

सानसेयारि **“बड’सा”** खौरांलाइयाव
अमाज्यादि जिज्जो लोब्बा थानाय रायथाय, अन्थाय,
अल, अल’बाथा आरु दावबायारि थावनि, पाके
बाइदिनि आयाव लिन्नाय लिन्निबां दैथाय हरु।
सानसेयारि **“बड’सा”** खौरांलाइया सेबअनाबि
फोस्वावोन।
बड’सायाव लिन्हरनायनि हुबा खालाम,
“बड’सा” खौरां नौथां, जौ बयबो आंगो खालाम।
सानसेयारि बड’सा मावखुलि
माइबं नोगार, जोहोलाव दैमालु लामा
कक्राझार, बिटिस-783370
Website: www.bodosanewspaper.com

सानसेयारि बड’सा



BODOSA ★ A Bodo News Daily ★ Sunday ★ 20 December, 2020 Kokrajhar, BTC, Assam ★ Vol.- 30, Issue No. 264 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

हिन्दी राव रायज्यायरा सुबुंफोरिप्रय वि टि सिसाव थान्दै थिसनो दावि
गसाइगाव, 19 डिसेम्बर: बड’लेण्ड टेरिटरिएल काउन्सिलआव हिन्दी राव रायज्यायरा सुबुंफोरिप्रय सासे थान्दै थिसनो गौनि दाबिजो राइज्योनि बिजेपि दोलोनि आफादगिरि रजित कुमार दास, आसामनि रांखाथि बिफाननि मन्थि हिमन्त बिश्व शर्माजो लोगोसे गोदाने सायख ‘जानाय बिटिसिनि सिफ प्रमद बर’नो गांसे गोसोखालाइ गथायदौं। हिन्दी राव रायज्यायरा सुबुंफोरि (□ 5 बिलाइआव)

बिजेपि दोलोआ 33 मासिआव देरहानानै तिवा काउन्सिलखौ दखल खालामबाय

गुवाहाटी, 19 डिसेम्बर: तिवा अटनमास काउन्सिलनि बिसायख ‘थिनि दिनै भट सान्नायाव बिजेपि, एजेपि, कंग्रेस दोलोफोरा गोखोडे बादायलायनायनि गेजेराव गाव-गावसोरनि फिथाइखौ मोनो हायो। मोन 36 बियाबनि मादाव मोन 33 मासिखौ बिजेपि दोलोआ दखल खालामनो हायो आरु एजिपि (□ 5 बिलाइआव)



बि पि एफ दोलोआ बेरेखा दोलो महरै गोखौं बिफाव लागोन: प्रबिन बर’

कक्राझार, 19 डिसेम्बर: बड’लेण्ड पिपुल्स फ्रन्ट (बिपिएफ) आ बिटिसिआव इउपिएल देदे न्नाय सरकारआव गोखोडे बेरेखा हान्जानि बिफाव लागोन होनानै दिनै मोनसे खौरांगिरि मेलनि गेजेराजो बुंथिदो बिपिएफनि गाहाय नेहाथारि प्रबिन बर’आ। दिनै कक्राझारआव खुंनय खौरांगिरि मेलआव बिथाडा रोखायै बुंवावोदि, बिपिएफ दोलोआ बिटिसि एसेमब्लिआव गोखोडे बेरेखा हान्जानि (□ 5 बिलाइआव)



पि एम किसाननि 7 थि किरितीखौ थाबैने बँक एकाउन्टफोराव ट्रेन्सफार खालामनाय जागोन : गाहाय मन्थि

गोदान दिल्ली, 19 डिसेम्बर : पिएम किसाननि 7थि किरितीखौ नेनानै थानाय सुबुंफोरनि समा जोब्बाय। आबाद आयेनि हें थार्ये दिल्लीयाव धर्ना होनायनि गेजेराव गाहाय मन्थि नरेन्द्र मदिआ शुक्रबाराव मध्य प्रदेशनि आबादारी सम्मेलनखौ सोमोन्दो लानानै गावनि बिबुंथियाव बुंदोदि, अटल बिहारी बाजपेयीनि जोनोम सान एबा 25 डिसेम्बराव पिएम किसान यजनानि 7थि किरितीखौ ट्रेन्सफार खालामनाय जागोन। बेनि थाखाय पिएम किसान पर्टेलआव गावनि स्टेटासखौ चेक खालामनागोन। बेवहाय FTo is Generated and Payment confirmation is pending, नि मेसेजखौ नुनो मोनगोन। नोथानि किरितीखौ थाबैने बँक एकाउन्टयाव ट्रेन्सफार खालामनाय (□ 5 बिलाइआव)



इलेक्टरेल लिटरसी क्लाबआ नैथि खोलोबनि भट सोनायनि सांग्रांथियारि हाबाफारिखौ मावफुंगारिसिनो दड

उदालगुरि, 19 डिसेम्बर: थानाय 16 डिसेम्बरनिफ्राय जागानाय नैथि खोलोबनि इलेक्टरेल लिटरसी क्लाबआ खुंफुनाय सांग्रांथियारि हाबाफारिआ सोलिगासिनो दड। बे इलेक्टरेल लिटरसी क्लाबआ गोदान भयार आरु जानो गोनां भयारफोर 18 बोसोरनि गाहायाव थानाय लाइमोनफोरखौ फोरैथाय होदौं। बे फोरैथायाव सुबुंखान्थियाव फरायसाफोरनि मावनांगो बिबान बेनि सोमोन्दे गुवारे उदालगुरि जिल्लानि मोनफोमबो सोलैथाय फसंथानफोरवोनो फोरैथाय होनाय जादौं। बे सांग्रांथि होनाय हाबाफारिआव उदालगुरि जिल्लानिनो जिल्ला थाखोनि मास्टर ट्रेनार (□ 5 बिलाइआव)

दिसपुर, 19 डिसेम्बर: गिबि मन्थि सर्बानन्द सनवालआ दिनै गुवाहाटी नोगोस्मायाव थानाय हटेल रेडिसन व्नुआव खुंनय 8 थि नर्थ-इस्ट फेस्टिभेल 2020 खौ बेखेवनाय हाबाफारिआव बाहागो लायो। हाबाफारिआव बाहागो लानानै गावनि बिबुंथियाव बुडेदि, बे फेस्टिभेल खुंनयफोर सा-सान्जा ओन्सोलनि दावबायनाय, थुनलाइजो लोगोसे हादरनि आरु मुलुगनि गुबुन गुबुन बाखनायो। सा-सान्जा ओन्सोलाव थोजासे सम्पद आरु (□ 5 बिलाइआव)

गिबि मन्थि सर्बानन्द सनवालआ नर्थ-इस्ट फेस्टिभेल 2020खौ बेखेवनानै होबाय

नांगो रोखोमनि गुदि मुवाफोरखौ रायखानानै सा-सान्जा ओन्सोलनि राइज्योनि गेदेरथार ओन्सोलाव थानाय गासैबो मुवाफोरखौनो आबुडे मोनफुनायनि थाखाय गोरोबलायनानै खामानि मावनायनि गोनांथि दडहोन्नानै मख’यो। गाहाय मन्थि महरै संसदआव गिबि खेव बिबुंथि लाखिनाय गाहाय मन्थि नरेन्द्र (□ 5 बिलाइआव)



नांगो रोखोमनि गुदि मुवाफोरखौ रायखानानै सा-सान्जा ओन्सोलनि राइज्योनि गेदेरथार ओन्सोलाव थानाय गासैबो मुवाफोरखौनो आबुडे मोनफुनायनि थाखाय गोरोबलायनानै खामानि मावनायनि गोनांथि दडहोन्नानै मख’यो। गाहाय मन्थि महरै संसदआव गिबि खेव बिबुंथि लाखिनाय गाहाय मन्थि नरेन्द्र (□ 5 बिलाइआव)

फकिराग्राम रेलवे जंसनआव राजधानी एक्सप्रेसआव अर स्वामदौं

कक्राझार, 19 डिसेम्बर: कक्राझार सहरनि बेंखनआव थानाय फकिराग्राम जंसन रेलवे स्टेसनआव डिब्रुगडनिफ्राय गोदान दिल्ली फासै रावना होनाय 02423 नम्बरनि राजधानी एक्सप्रेसआव फुनि 10:04 रिगायाव हरखाबे अर खामनाय जाथाया दावबायारिफोरखौ हालाय- (□ 5 बिलाइआव)

हाफाय खालामदौं। बे अर खामनाय जाथायखौ नुनाय लोगो-लोगोनो दावबायारिफोर सेन बोनानै रेलगारिखौ लाखियो। सुलुडाव फोरमायथिनाय बादिब्ला, एसि-3 ययारनि बि 7 डाब्बानि (□ 5 बिलाइआव)

थुनलाइगिरि प्रदिप कुमार गयारिनि जिउगोमानायखौ बर’ थुनलाइ आफादआ दुखु फोरमायदौं

गुवाहाटी, 19 डिसेम्बर: बर’ थुनलाइ आफादआ गागि थुनलाइगिरि आरु डाइनि गोजौ थाखोनि बिबुंथियाव बर’ रेवग्रा जथुमनि अरायथा सोद्रोमा मुसि प्रदिप कुमार गयारिनि जिउ गोमानाय जाथायखौ मिरु बर’ थुनलाइ आफादआ गोथो दुखु फोरमायनायजो लोगोसे नख’रनि सोद्रोमाफोरनिमिम (□ 5 बिलाइआव)

नख’र मन्थि अमित शाहआ साननैनि हाबाफारिजो सोनाब बंग दावबायफैदौं तृणामुल कंग्रेसनि एम एल एआ बिजेपिआव हाबनो हागौ

कलकाता, 19 डिसेम्बर: मिरुनि नखरारि मन्थि अमित शाहनि सोनाब बंग’खौ दावबायनायनि गिबि सानाव तृणामुल कंग्रेसआ गोमो नांदौं। मानोना तृणामुल कंग्रेसनि आरुबाव सासे एम एल एआ पार्टिनफ्राय बिबान एंलारबाय। सोनाब बंग’आव जानो गोनां बिधान सभा बिसायख’थि 2021 नि सिगां खुंथायाव थानाय तृणामुल कंग्रेसआ लोखौ जादौं। मख’नो गोनांदि, माइतीआ सोनाब बंग’नि सा कान्ठी बिधान सभा बियाबनि एम एल ए। खौरां सुलुंनि बिबान एंलायबाय। बनसरी (□ 5 बिलाइआव)



जादौं। मख’नो गोनांदि, माइतीआ सोनाब बंग’नि सा कान्ठी बिधान सभा बियाबनि एम एल ए। खौरां सुलुंनि बिबान एंलायबाय। बनसरी (□ 5 बिलाइआव)

26 आरु 27 डिसेम्बरआव कलाइगाव दख’रा दुलाराय बर’ फरायसा आफादनि 49 थि जथुम्मा खुंनो लाहार-फाहार


कलाइगाव, 19 डिसेम्बर: फे गौ 26 आरु 27 डिसेम्बरआव साननैनि हाबाफारिजो कलाइगाव आन्सलिक एबसुनि 49 थि बोसोरसालिया जथुम्मा आरु आबोफनि 22 थि जथुम्माखौ दरं जिल्लानि सान्जा बाहजानिआव खुंफुनाय जागोन होन्नानै कलाइगाव दख’रा एबसुनि आफादगिरि बिजय बर’ (□ 5 बिलाइआव)

फिसाज्जालानो बिफाखौ जिउ फोजोबदौं

गसाइगाव, 19 डिसेम्बर: कक्राझार जिल्लानि गसाइगाव थानानि बेंखनआव थानाय 2 नं भुटि सामाताम गामियाव बिफायाव फिसाज्जालानि आखाइयाव जिउ गोमानांनयजो (□ 5 बिलाइआव)

राइज्यो सरकारा गुवाहाटीआव हुक्का बारफोरखौ बन्द’ खालामनो बिथोन होदौं

गुवाहाटी, 19 डिसेम्बर: राइज्योनि गुवाहाटी नोगोस्मायाव हरखाबे हुक्का बारफोरखौ बन्द’ खालामनो राइज्यो खुंथाया बिथोन होनाय जादौं। गुवाहाटी नोगोर आफादनि गेजेराजो हुक्का बारफोरनि फालांगियारि फोरनि लाइसेन्स रिनिउ खालामनायखौबो बन्द’ खालामना होदौं। सुलुडाव फोरमायथिनाय बायदिब्ला (□ 5 बिलाइआव)



गुवाहाटी नोगोस्मायाव थोजासे बिबानि हुक्का बारफोर दं। बेनि सिगांनो बोहैथि बोसोरवोनो सेप्टेम्बर दानाव (□ 5 बिलाइआव)

एलाहाबाद हाइ कर्टआ उत्तर प्रदेशआव हुक्का बारफोरखौ बन्द’ खालामनायनि बिथोन होदौंमोन। हाइ कर्टआ राइज्योनि चिफ सेक्रेटारिखौ बिथोन होदौंदि, राइज्योनि मोनफोमबो रेस्टुरेन एबा के फे आरु हुक्का बारफोरखौ सालायनो थाखाय गनायथि होनो मोना होन्नानै गोखोडे बिथोन होदौंमोन। बिनि उनावनो (□ 5 बिलाइआव)

बिजेपिआ बर’ माहारिखौ गुलाय-गुजाय खालामनो खैसार सादौं: दिबस फुकन

कक्राझार, 19 डिसेम्बर: बर’ माहारि आरु बर’नि मानदन्दाखौ फोजोबसांनयनि अनगायैबो बर’नि गेजेराव बिदा-फंबाय अनलायनायनि दोलेखौ बस’नो नाजादौं बिजेपि दोलोआ होन्नानै गोखोडे अजद देखदौं राइजर दलआ। थानाय 2016 (□ 5 बिलाइआव)



उदालगुरि जिल्लायाव सुबुं आरु मैदेरनि गेजेराव दावहाया बांबोगासिनो दड

उदालगुरि, 19 डिसेम्बर: आथिखालाव हाग्रानि बिफां-लाइफांफोरा मानसि माहारिनि गारलोबनायाव सानफा-एफा जोबलांनयनि जाहोनाव हाग्रानि जिब-जुनातफोर थाग्रा जायगा आरु आदारनि आंखाल जानायनि थाखाय जेशव-मेराव आदार नागिरनानै जानो गोनां जादौं। बेबादिनो आदार नागिरनानै गामि फासै फैनानै (□ 5 बिलाइआव)



मानसिनि आबादथिलिखौ गोबां खहा खालामनायखौ नुनो मोनगासिनो दड। बे एखे रोखोमैने जाग्रा आदार नागिरनयनि अंसिलायै भुयन हाजोनिफ्राय आंखारवोनानै हाग्रानि मैदेर फालोफोर सुबुं थाग्रा जायगायाव आंखारवोनानै मानसिनि सायाव उतखार खालामगासिनो दड। मख’जाथाव सुलुंनिफ्राय मिबथिनो (□ 5 बिलाइआव)

चभ लिन
एन्टिसेप्टिक क्रीम
आरु इमलियेट
आरु गोजो आरु गुरे विगुरनि थाखाय

सुजुगिरिनि खोलोम

जाहार एवसानाय आरो बिफां गायनाय

सुबुं समाजाव मोनसे हुदाखौं अरायसम नुनो मोनो, बेनो जाबाय हाग्रामा एवसानाय आरो दंफां दानसानाय। गामिनि सुबुंफोरनि बाश्राल' नड टाउन सहरनि सुबुंफ्राबो सुबिदा लाना हाग्रामाआव हाबहैना दंफां दानना लाबोनाय आरो गुबुन्नो फानहरनाय हुदाखौं गोदो गोदायनिफ्रायनो नुबोगासिनो दड। दिनैसिमबो सुबुं समाजआव बेनि गोथौंयै रोदा सुनाय हुदाखौं नागारनो हायाखै।

मानासनि सुबुंफोरनि बाश्राल' नड, जिउ जुनार दाउसिन दाउला, एमफौं एनला बयनिबो थाखाय हाग्रामा, दंफां लाइफांनि गोनांथार। जिउ जुनाराबो हाग्रा बंग्रा, दंफां लाइफां नडबा जेरै थाउरिनो हाया, मानसि माहारियाबो जिउ खानो हाया। मिथिंगानि सोर्जिनयनि मादाव दंफां लाइफां, हाजो-हाला, देमा देसा, देमु बाइदिसिना नडबा जिउ जुनातफ्रा दसेनि थाखायब्लाबो थाना थानो हाया। हाग्रा बंग्रा, देसा देमु गैयाबा बुहुमनि आबहावाआबो जिउ जिराद थाना थानो हायै बाइदि गुबुंले जागोन।

सुबुं समाजा दंफां लाइफांनि सायाव जेरै बाइदि सोनारो बेखौं साननो रेंब्ला हाग्रा बंग्रानि सायाव बे रोखोमनि अनागार अत्यासारा जानाय नडामोन। हाग्रामाआव दंफां लाइफांनि अनगायैबो गोबां रोखोमनि जुनार, दाउसिन दाउला, एमफौं एनला, मैंग मैला, थायो। गामिनिबो मानसि माहारिनि गोनां जिउ खानायाव नांगौं। सुबुं समाजा नांगौंखौल' मिन्थिनो रोंबाय नाथाय, बेफोर गोनां मुवाफोरखौं रैखा खालामनो दासिमहालागै सोलोडखिसै मानो ?

मोनसे सौनाय फैयो, दंफां लाइफांखौं दानसानो सोल्लोनों हागौंवा, बेफोरखौं गायनो सोल्लोनों मानो रोंदिया ? गोदो गोदाय आबै आबोमोननि बिबै बिबौफ्रा गायना गालांनाय दंफां लाइफांफोरखौं हागौंमानि जों दानसां जोबबाय जाय जेरै हागौं एरै। हाग्रामा गैथैलाय जिउ जुनार, दाउसिन दाउलाफ्रा थानो जायगा मोनैलाय गामि गामि हाबफैना बुथारजाबाय। कम्पिउटार, इन्टरनेट मुगानि सुबुंफ्रा सानखांनो रोडाखिसै जों थानो जेरै न'बां नांगौं, जुनारफोर थानोबो हाग्रामा नांगौं। जौनि जायगाआव जा जालांबाय जालांबाय, इयुन जोलैफोरनो दंफां लाइफांनि गोनांथिनि सोमोन्दै मोजाडै गियान होनांगोन आरो बेफोरखौं मात्रै गायनांगौं, फोथानांगौं, फेदेरनांगौं, राहोनांगौं, आरो मात्रै रैखाथि होनांगौं, गोथौंयै फोरोंनांगोन, मिन्थिहोनांगोन, दंफां लाइफां, हाग्रामा थायाब्ला जौबो थाना थानो हानाय नड बे बुहुमाव।

दिनैनि फानजामुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेष: जेखि जाया फोथानाय लानानै खामानिफोरखौं मावलांनो नाजानांगोन। सानाया जाफुंनो हागौं।

वृष: माबा मोनसे मावनायनि सुबिदा मोनो हागोन। गोसोखौं गोजोन मोनगोन।

मिथुन: जेखि जाया गोथार खामानि मावनो गोनां दडबा मावनो हागोन। जौगानाय फैनो हागौं।

कर्कट: माबाफोर बेरामआव गोलेनो हागौं। देहाखौं सांग्राडै लाखिनांगोन।

सिंह: मोजां खामानियाव आगान सुरजेनो हागोन। दिनैनि सानआ गोथार सान।

कन्या: गोबाव समनिफ्राय आसा खालामबोनाया जाफुंसारनो हागौं। गोजोन्नाय मोनगोन।

तुला: मानिबा जाहोनाव सोरजौंबा गावसालायनाय जानो हागौं। गोसो हम्थानाया गाहाम।

वृश्चिक: रावजौंबो जेना गैथै सुखुयै थानो हागोन। फारफ्रोमथिबो मोजां।

धनु: माबा मोनसे सुजुग-सुबिदा मोनो हागोन। जेरैबो गोजोन मोनो हागोन। मोजां सान।

मकर: गोजोनै नख'र संसार दालांनो हागोन। जेरैबो जौगानाय फैनो हागौं। मोजां सान।

कुम्भ: मोजां हाबा मावनायनि थाखाय सम्मान होजानो समोनगोन। गोजोन्नाय मोनगोन।

मीन: दिनै दिनाव सरासम्मा खामानिखौं मावनो हागोन। मोजां खामानियाव आखाइ दाहो।

“दख 'ना थावसि'” सुंद' सल 'नि साया लानानै

जैस्रि बर'

दिनै फरायसालिनफ्राय फैनायाव द्लाम गोबाव जाबोबाय उदांसिहा। थाखो जोबनायनि उनाव स्टाफ मिटिं दंमोन। मिटिं जाहानायावनो गाहाय फोरोंगिरिआ र' आं मोनसे जायगायाव दसे थांनबना फ्रैगोन होनानै थानाया बेसेबं गोबावजोंसो फैफिनदों। बेनिखायनो मिटिंडबो गोबावजोंसो जानो मोनदों स्टाफ मिटिं जादों माबा मोनसेजानोसै होनानै चौकिदारखौं रुटि बेदर लायनो होनायाबो मिटिं जोबगुलायनानैसो सौफेदों। लायथारनायनि जालांथारनोसै होनानै जानायावनो गोबाव जाथारबाय। फरायसालिनफ्राय टेम्प' आरो बेनि उनाव हाथाइयाव मैंग मोनैसो बायनानै रिक्सा लानानै भारा न' मोनफैगौ मोनफैगौ खोमसिलायबाय। रिक्सानिफ्राय ऑंखारनानै गेट खेवब्लाथाय गावसोरनि भारा न'आव पुलिसफोर ज्राव ज्राव नुदों बियो। लामायावबो पुलिस आरो पुलिसनि गारि नुखादों। थेवबो जेबो सानाखेमोन, नाथाय गावसोरनि भारा न'आव पुलिसफोरखौं नुनानै सोर मा जाखो गुमुर लानो सोरनाव सोनो सोरनाव मानो जादों बियो। गावनि खथानि तालाखौं खेवालासै दर्जा मोखाडवबो दोनानै सिस्थलाथिं आवगायलादों बियो।” सोर मा जादों ?” गावसोरजों भारा थाजाबनाय सासेनाव सोंदों बियो।

“सानजारां। सानजारांखौं पुलिसआ खाबाय।” अब्लासो नायदों बियो सानजारांनि खथया गेनाय। खथानि महरा जोबोद गुलाय-गुजाय। पुलिसफोर खथयाव बोखों-बोसि माबा-माबि नागिरगामिनो दं। आखाइयाव हेण्डकाप लागाय जानाय सानजाराड बिस्नानि खनाफासै गबश्रबश्रब जिरायनानै दं। दंसे उनाव पुलिसफोर सानजारांनि खथाखौं सिल खालामनानै सानजारांखौं गावसोरनि जिपसियाव दैखाना लाना थानों।

“सानजाराड बिग्राइयारि हान्जानि दैदेनगिरिनो आव', नों मिथिदोंमोन नामा ?”

पुलिसफोर थांखांनयनि उनाव गावनि साखाथिनि खथायाव थाजाबनाय जौमाया सोंदों उदांसिनाव-आं जेबो मिथियाथ' जौमानो फिन्नायखौं होदोंमोनब्लाबो गोसोखादों बियो सानसे सानजाराड गावनि खथायाव हाबफैनानै बुंदोंमोन-“आब' नोंजों आंहा राइज्जलायनांगो दंमोन। माब्ला नों खाबु होनो। दे दिनैनो राइज्जलायजायो। गेसआव साहा जानहरनानै बुंदोंमोन बियो। मुरायव जिरायनानै नख'रनि बाश्रा राइज्जलायखानांनै गुबै बाश्रायाव फेहां जाब्लाउ उदांसिनि खथायाव हाफेदोंमोन उदांसिनि फेरोंगिरि लोगो सनासि आरो बिरहामोनहा। बिसोर हाबफैनाय लोगो लोगो सानजाराड ऑंखार लादों। राइज्जलायनो मोनाखिसै मोजाडै, माबा बाश्रा फोरमायनो नागिरदोंमोन मिथिस्लाबाखिसै उदांसिआ।

टेउआव उश्रिनयनि उनाव उदांसिआ डिबाबारि गुदि फरायसालियाव फोरोंगिरि साखि मोनदों। चिरां जिल्लानिफ्राय थाफैनादों बियो कक्राझार जिल्लायवाव। टेउपारायाव खथा मोनसे भारा लानानै थाफेदों बियो। बिगोमा थाया। गावसोर भाराटियाफोरानो सा दाइन जायो। सोरबा फरायसालिमायाव

बांग्रिखव

फरायसा, सोरबा साखि मावनाय हौवा-हिन्जाव गासै सादाइन, नख'रसेआ बिसि-फिसाइ, फिसाज्जा सासे। खथासेयाव सानै फरायसुलिफोर थायो। खथासेयाव बैंकआव साखि मावनाय सासे बोराइदबदव थायो। खथासेयाव सानजारां थायो। गावखौनो फालांगि मावो होनानै खिन्थानानै लानाय सानजाराडा दानथामसोल' जादोंमोन थाफैनाया। गासैबो बर' गोजा। थाफैजेनायनिफ्रायनो सानजारांखौं सानसेबो सानआव नुफेरनो मोनाखै उदांसिमोनहा। हरनि जिसे-जिनै रिगायावसो खथायाव हाबफैयो, सोरांफा माफा न्रै रिगा, थाम रिगाफ्रावनो बैरैबा खथायावनो सानसे दडमोन सानजाराड। फरायसालि गैथैखाय उदांसिआबो फुनिफ्रायनो गावनि खथाखौं बोस्रादोंमोन, सि-जोम सुदोंमोन, लेप-टसक गान्दु लामस्रादोंमोन। मोनासि मोनासि गलायाव गाइखर लायनानै टसजों लोंनोसै होनानै फुदुहां जानायावनो सानजाराड बिन खथायाव हाबफैदोंमोन। गुबुनफोरजों माब्लाबानो मोखोंजों मोखों मोजाडै राइज्जलायफेरै सानजाराड बै सानाव बुफुहोदोंमोन गोबॉनि बाश्रा उदांसिनि सिगाडव। नाथाय बेबो आद्रा जानायसै।

पुलिसआ बोबर्थिनानै लानाय समाव सानजाराड उदांसिनि मोखाडव गाबा मोखाडै नायलांदोंमोन। मा होनानै बुंनो एबा होबथानो उदांसिआबो राव नागिरनानै मोनाखेमोन। उनसिनथार जालांनय पुलिस कन्स्टेबोल सासेआ नुवा-नुस्लाबा उदांसिनि मैंग थफलायाव खाम गांसे सोनानै गालांदोंमोन।

मानिफ्राय मा जाखो सानै सानै मैंगफोरखौं बखनानै खादायाव दोनो नागिरनायावसो नुदों बियो गुफुर गावनि खामखौं। सोरनि मा लाइजाम फैखो सानानै गोमोहाबदों। बियो लिरीबिदां बिनयनि लाइजामफोरसो खोमा सानानै खामखौं खेवालासै मोनाबिलिनि साहा गोथाव लोंनोसै सानानै साहा फुदुंग्रोबाबो बियो। गाइखर बहां होनानै फुदुंनय काप गिदिरजों कापसे साहा लानानै टेमायाव सोनानै दोन्नाय एवखानाय सिराखौं प्लेटआव लायो बियो। सिरा जाहोलां साहा लोंहोलां सानजारांनि बाश्राखौनो सानबाय थायो बियो। “सानजाराड बिग्राइयारि हान्जानि सुबुं ? बबे मोनसे बिग्राइयारि हान्जानि सुबुं ? बबे मोनसे बिग्राइयारि हान्जानि सुबुं ? बेवहाय भारा लानानैबा मानो थाफेदोंमोन ? पुलिसया माबोरै मिथिखो ? गुबुन सानफोराव हरावसो फेग्रा मानसिआ दिनै माबोरै सानावनो खथायाव थानानै पुलिसजों हम्जालायनाय जाखो ?” सानब्लाबो जेबो आगोर मोनैलाय लोंखांनय साहा कापखौं बालिथडव सौमन्नानै दोनहरनानै बिस्नायाव एसे गोलाव जानानै मंनय देहाखौं जिरायहोनोसै साननायावनो नुसन्बावदों बियो गुफुर गावनि खामखौं। “बेबा सोर गौथुम एबा आफादनो लिरीबिदां नांगो जालायखो ?” सानानै थामनि खर'खौं बिसिख्ताबनानै सिंनि लाइजामखौं हानहरो बियो।

आब' उदांसि, बेसेबा गोबावनिफ्रायनो नोंनो फोरमायनो-फोरमायनो सानानै फोरमायनो हायाखिसै। आं आंनि गुबै सिनायथिखौं नोंनो बेसेबा सिगांनिफ्रायनो होनो नाजाबोदोंमोन आब'। आंनि गुबै मुड सानजारां नड आब'। आंनि गुबै मुड कम्रेड बि. रजं

गोरासो। आं सानजारां बिग्राइयारि दोलोनि दैदेनगिरिफोरनि गेजेरनि सासे। आं कलेज फरायफुबाय थानाय समावनो बे बिग्राइयारि दोलोआव हाबहैदों। जौनि बर' बिमानि जोबस्रांलांनो हम्नाय थासारिखो बोखाफिन्नो, बर'फोरखौं बै मुलुगाव मोनसे आलादा सिनायथि होनो थांखिजों जों बे बिग्राइयारि दोलोखौं दादोंमोन। मानोना सोरखारनि माखासे सोबख'नाय आखुखौं जों सहायनो हाया हाया मोनदों। नोंनो खिन्थानाय बायदि आंहा नख'राव आइ दं बिनानाव सासे दं। आं आइनि सासेल' फिसाज्जा जानानैबो आइखौं जेरैबादि सुखुआव लाखिनांगौमोन बेबादि लाखिनो हायाखै, बिनानावनो जेबो होनो हायाखै। बिनानावआ मालायनि दरख-दरख र्वाथि थायो। आफाया ना सारनो थांनायावनो जिबो सौजाना थैदों। आइया आंखौं जोबोद कस्ट्यैब्लाबो फोरोंनानै साखि लाजानो लुबैदोंमोन, नख'रखौं आंखालिनफ्राय बोखांजानो लुबैदोंमोन। नाथाय आं जेबोखौनो मावनो हायाखिसै। आइया हाग्रानि मैंग खाथिंलाबायनानै खाथिनि हाथाइयाव फानहैयो। गासै हारिनि अलखदखौं खर'आव रुजुन्नानै हारिखौं उदांसि होनो थांखिजों आं दिनै आखाइयाव हाथियाव दैदों। नाथाय आं आंनि जोगोमगिरि बिमानोनो जेबो बिजिरनाय होनो हायाखै आब'। नों सम मोनोब्ला माब्लाबा आंनि आइ आरो बिनानावखौं खौरां लाहै। आं बेवहाय थाफैनायनि थांखिया जौनि हान्जयाव आरोबाव सोद्रोमा सोनाय। बेखिनि समनि गेजेराव जौनि हान्जयाव गोबां सोद्रोमाफोर आं सोनो हाबावबाय। जौनि हान्जयाव गोबां आइजोफोरबो दं आब'। आं सानदोंमोन नोंखौं जौनि हान्जयाव सोनो। नाथाय आं मिथिनायाव दा थुनलाइयानो जा, माहारियानो जा नों गोबां सिबिनाय होगासिनो दं। बेनिखायनो बे थांखिनिफ्राय आं दोरोदफिन्नांगो जादों। बे सानैसोनि गेजेरावनो आं बेनिफ्राय ऑंखारलांफिनसिगोन। आं थायाब्लाबो जौनि गौथुमनि सोद्रोमाफोर सम सम फैनो हागौं मोनैसो खामानि होफेनो हागौं। आब'आ जोंखौं मदद खालामनांगोन।

एसेनोसै सानजारां

लाइजामखौं फरायखानानै गिनायजों थोर-थोर मावो उदांसिआ। गावदि मोनसे गिदिर बांग्रिखबाव गोलैनो थांगामिनो दं बेखौं सानहरनानै खिनो ऑंखारहां, हासुनो ऑंखारहां जायो बियो। हारिनि हादतनि गाहामनि थाखाय मोजां हाबा मावनांगौआव हेंथा होनांगौ गैया बिहा नाथाय बिग्राइयारि दोलोनि मुं गावनि हारिनिनो अलखद लाबोबाय थानाय बिसेरनि हाबाफोरफोरखौं साबजानाय मोना बियो। हिंसाजों जेबो जेना सुस्रांजाया। सुबुंदारा हादतआव सुबुंदारा खान्थि बादियै सोमावसारोब्ला हारिनि जेना-जेंगोनाया जोबस्राडैनि जेबो जाहोन थाथावा। गाव गावनि गोरोन्थिखौं हम्दांहासेयावबो गले-गले गोरोन्थि मावनो लानाय सुबुंफोरखौं मा राहाजों दबथायनो हागोन बेखौं सानै-सानै उदांसिआ बिस्नानिफ्राय सिखारनो गोसो जायाखिसै। ओलेस्रो उन्दुहाबनानै थादोंब्लाबो नाथाय बिन मेगनाव निन रानिआ एसेबो बिलोगो खाफैयाखिसै।

गोगो साननाय-हनायासो मानसिनि जिउखौ दायो

गुबै : प्रदुर काकति रा.सो.: धीरेन्द्र नाथ बर'

रमान हादोरनि मोनसे समनि मुंदांखा खुंगिरि एबा दार्शनिक मासिस अबलयेसनि फंसे रावजों बे लिर्नायखौं जागायनो लुबैदों, “Our life is what our thoughts make it.” बेनि ऑंथिया जादों सान्नाय हनायनो जौनि जिउखौं दायो। आं बाश्राखौं आबुडेनो थार एबा सैथो होनानै गनाना लानो रजि जायखै मानोना खामानिनि अनगायै खालि सान्नाय हनायजौल' जिउखौं दानो हाया। अबलयेसनि बाश्राया जुदि ऐरैबादि जानायमोनब्ला स'नाया आरोबाव जोंखोल माखोल समायनासिन जानायबादि जागौमोन-“Our life is what our thoughts and deeds make it. श्रीमदभागवत गितायाव मखनाय श्रीकृष्णया अर्जुनखौं बुंनया “नियतं कर्म” बाश्राखौं गोसोयाव लाखिनानै फिथायखौं सानाबासिनो जिउखौं दावगाहोलांनयनि अनगायै जेबो राहा गैया। बे 'खामानियानो धोरोम' बाश्रायानो मानसिनि जिउनि गाहाय मोन्थोर जानाया मोजां। बुहुमनि गोबां मानसिफोरानो बिथांमोननि थैलांनयनि उनाव बिथांमोननि गथ' गथायफोरा जाहाते जिउआव सुखु-गोजोन, रंजानाय मोननो हायो, बिनिखायनो गोबां धोन सम्पति, रां-रुपा दोनलाडो। बे खामानिया मोजां खामानियाव बाहायजानांगौमोनब्लाबो नाथाय माब्लाबा उल्थासो जानाय नुनो मोनो। आसामनि गोबां गोदोनि धोन-दौलत गोनां नखरनि गथ'-गथायफोरा दिनैनि खालाराव गोस्त्रि नखरनि गथफोरनिखुड उनफिननानै दं। बेखौं बिदिन्थि होनायनि गोनांथि गैया। खुफुं खालामाजासे मोननाय राड मानसिखौं खामानिनि फारसे बिखुं खालामहोनानै अलसिया खालामो। जों जौनि गथफोरनो एग्रे-ब्रेग्रे रां-रुपा, धोन-सम्पति, गारलांनयनिखुड बिसोखौं मावथि, गोगो आखुनि आरो धोरोम फोथायसुला महैरै गायसननो नाजानो नांगौं। मानसिनि जिउआव जेरैबादि सुखु-गोजोन थायो, आरो बिदिनो दुखु-गावनाय, आंखाल थाखायो। खैफोदनि समाव सहायनानै खामानि मावलांनो हायोब्लासो मानसिनि जिउनिफ्राय खैफोदा गोजान जायैनि जेबो जाहोन थानो हाया। सानहाबनानै जसोना थानाय मानसिनि जिउआव खैफोदा माब्लाबाबो गोजान जाया। थार बाश्राखौं बुडेब्ला सान्नाय आरो खामानि मोननैजों मोनसेयानो। खामानि मावलाबानो खालि ज'नानै थायोब्ला बेनि फिननाय मोननाया गोरलै नड। मोजाडै साना-हवा मावनाय खामानिखौं खोमसियाव थिर गावनायजों रुजुनो हायो। सान्नाय जादों सिमां, खामानिया जादों मोखथां। मानसिनि जिउआव

सिमांखो मोखथां खालामनोब्ला मोजां सान्नाय हनाय आरो खामानि मावनायनि गोनांथि दं। ममतारखौं गोथां खालामनानै लाखिनो छहजाहाना ताजमहलखौं लुफुं होनानै मोखथाडव महर होदोंमोन। ताजमहलबादि गोथां जिउ थानाय अन्थाय बालाजों लुफुंनाय गोसोखां खाम्फा बुंनो थाडेब्ला नैथि बुहुमाव गैलिया। White head आ बिनिखायनो बुंदोंमोन- Our minds build cathedrals before the workman have move a stone and our minds tell before elements have work down their arches. गावनि खामानियाव देरहासारनांगौब्ला गोसो होथाबनानै खामानि मावनायनि अनगायै गुबुन जेबो राहा गैया। खामानिखौं गोसो होथाबनानै मावनांगौं आरो खामानिखौं उना लागै गारनानै दोननो नाड। गोसो होथाबनानै मावनांगौं आरो 'खामानिखौं उना लागै गारनानै दोननो नाड। थानानै थानायनि मुडै थाना थानायल' गोनांथि गैया। बिदि खालामोब्ला “थाना थानायनि गोजोननाय'निप्रय गोजान जानांगौं जायो। मावथि मानसिनि जिउआव दुखु, खैफोद जालां बेफोरनि जेबो जायगा गैया। अरायबो बिथांमोन माबा-मोनसे नड मोनसे खामानिनि गेजेरजों गावखौं मुखब लाखियो। खामानियाव मुखब थानाय मानसिनि गोसोयाव गात्रि सान्नाय हनायफोरा बासा लानो हाया। गोगो साननाय हनाया मानसिखौं गात्रि खामानियाव लोब्बा थानायनिफ्राय गोजानाव लाखियो।

थार ऑंथियाव बुंनो थाडेब्ला मानसिया गावनो गावनि लोगो आरो गावनो गावनि सुथु। मानसिनि साननाय हनायफोरा सोदोबनि गेजेरजों एबा रायज्जलायनायनि गेजेरजों नुजाथियो। साननाय, साननायखौं फोरमायनाय आरो खामानिजों मोनसे गोनां सोमोन्दो दं। बिनिखायनो फोरमायनाय आरो खामानिजों मोनसे गोनां सोमोन्दो दं। बिनिखायनो सोदोबा खामानिखौं बुडे- I am ashamed of my emptiness. आरो बिदिनो खामानिया सोदोबखौं बुडे, I know how poor I am when I see you' गोथो आरो गोगो साननाय हनाया खामानि दामानि जाफुंसारनायाव हेफाजाब होयो। जिउआव देरहानायनि मोखां नुयोब्ला गोसोयाव सुखु गोजोन रंजानायजों आबुं जानानै थायो। सिबिग्राफोरा बिथांमोननि खामानि मावनाय समाव जेरैबादि गावनि जिउखौं गसायनि सेराव गथायनानै मोनसे गोसोजों सिबियो, बिदिनो गोहो गोराखौं गोथो गोसोजों सिबिनानै खामानियाव नांथाबना जिउनि लामायाव सिगांलाडेब्ला जिउआव देरहायैनि जाहोन थानो हाया। सुखु- गोजोनखौं मोननो थाखाय, गावनि जिउखौं जौगाखौं खालामनो थाखाय बुहुमखौं गिदिबायनायनि जेबो गोनांथि गैया। नागिरनानै लानो रोडेब्ला गावनि गोसो गोरबोयावनो मोननो हायो सुखु गोजोननि जेबनो गौयै लैथो।

Niet Hugo आ बिथानि मिर्जिनि थिलियाव, सान्नाय हनायाव गोजोननायखौं मोननो हानानै ऐरैबादि बुंदोंमोन- Think yourself well and all that is well with you, the nature will read your thought and make it true. मानसिया गोगो साननाय आरो साधनानि गेजेरजों जिउनि थार सैथोखौं मोनदोनो हायो आरो सोरजिगिरिजोंबो सोमोन्दो लाखिनो हायो। मुंदांखा बिगियानगिरि जगदिश बसुया बुंदोंमोन- Not is matter but in ideas are to be found seeds of immortality. बेफोरबादि सान्नाय हनाय, खोथा बाश्राफोरा मानसिनि मोजां आखु दानायावबो हेफाजाब खालामो। आंखालानो आखुखौं गात्रि खालामो, बाश्राजों लोगोसे खोसे जानो हाया। मानोना धोन सम्पदआबो आखुखौं गात्रि खालामो। आंखालाव गोलैनाय मानसिया गाहायै मोनथाम रोखोमै आखुया गात्रि जायो। गुबुननिफ्राय दाहार लाबोबानै दाहार सुख्यै, थगायसुला आखु, सिखाव खालामनाय आखु। माब्लाबा माब्लाबा आंखालाव गोलैनाय मानसिफोरा बिनानै जानायखौंबो नुनो मोनो। बिदिनो एग्रे ब्रेग्रे रां रुपायाबो मानसिफोरनि आखुखौं गात्रि खालामनायाव गोबां बिहोमा होयो। रां-रुपाया मानसिनि जिउआव जौ लॉनाय, जुवा गेलैनाय, गुबुन हिन्जावखौं मोजांमोननाय, रेजें गोसो बायदि बायदि मानसिनि थाखाय गात्रि आखु सोमजिनायाव हेफाजाब होयो। नाथाय बेनि उल्था जाद्रायैबो नड।

एग्रे-ब्रेग्रे रां खावरिया सासे मानसिखौं मात्रै गात्रि खालामो। बे सोमोन्दै आं गावनि बिदिन्थिखौनो होनो सानदों। आंनि आफा रंसारि गोपाल चन्द्र काकतिया सासे जाफुंसार फालांगिरि महैरै रांखांथि गोनां मानसिमोन। 1979 माइथायाव तेजपुरनि कासारियाव जेब्ला आं उकालति खालामदोंमोन बे समाव आं गोबां रां बुधुमनो हादोंमोन। न'खराव थायसेबो रां हरनो गोनां जायामोन। सुप्रिम कर्ट, हाइक'र्टनि जोबोद मुखब सासे मुंदांखा उकिलफोरबादि आंबो बैसागु एबा फुजा बन्दफोरनि खबु लानानै कलकता, काटमान्डु, दिल्ली, मुम्बाइ बायदि गिदिर सहरफोराव बिरलाडोमोन। बेसेन गोसा हटेलफोराव थानानै बेसेनगोसा जौ-जानाय लॉनाय बायदिनि स्वाद लानानै गोबां रां एरैनो थंथोयोमोन। बै समाव गावखौनो थार साननानै (आंनि साननाया गोरोन्थिमोन) जग्य भोग्य बसुन्धरा' मन्थ्रखौं गोसोयाव लानानै नांगो रोखोमनि रंजा-खुसिजों गावखौनो बावगोमा होदोंमोन। बेनिअनगायैबो तेजपुरनि मोनसे कलाबआव हरनि दाइन बाजिनफ्राय हरनि जिंनै बाजिसिमहालागै High Stake आव रामि गेलैयोमोन। नाड-फाड लोगोफोरजों रेस्टोरायाव रां खरसा खालामनानै बायदि रोखोमनि गोथाव-मोदोमफ्रू जाग्रा लोंग्रानि जुथि लादोंमोन। हाथायाव मोजां ना नुयोब्ला बेसेनखौं (5 बिलाइआव)

पाकिस्तान आरौ चीनखौ राजनाथ सिंआ सांग्रांथि होदों

गोदान दिल्ली, 19 दिसम्बर: रेखाथि मन्त्रि राजनाथ सिंआ बुंदोंदि, भारतआ 1971 माइथायाव लंगेबालनि दावहाखौ लानाने दिनेसिम बालाकटआव उरं जाहाज गाल्गोबनायसिमाव जारिमिन सोजिबाय। बिथाड उरं सांश्रिखौ लानाने चीन आरौ पाकिस्तानखौ गोखोडे सांग्रांथि होयो। मख'नो गोनांदि, रेखाथि मन्त्रिआ दिने हाइड्राबार्दि डिदिगल एयापर्स एकाडेमिनि कम्बाइन ग्रेजुयेसन पेरुडयाव बाहागो लानाने गोजौनि बाश्राखौ बुजे। बिथाड जथुमाव बाहागो लानाने बुजेदि, दानिया भारतआ उतरखारिफोरनि हेथायै हादतनि सिडव नड। बवेखानि सिमायाव थानानेबो गोखोडे जुजिगसिनो दड। बिथाड बुंवावोदि, भारतीय उरं सांश्रिआ बालाकटआव गोखोडे अपारेसन खालामानाने मुलगायावबो भारतीय सांश्रिखौ गोखोडे दिथिदों। बेल'नडा 1971 माइथायावबो लंगेबालनि दावहायावबो जाफुसारां होदों होनाने मख'देखावो।



रेखाथि मन्त्रिआ गावनि बिबुंधियाव बुंवावोदि, सोनाब सेक्रेटनि पाकिस्तानजौ नोजावनाय सिमायाव दिनेसिम खेब 4 दावह जालानायनि उनावबो पाकिस्तानआ उतरखारिफोरनि गेजेजौ फ्रक्सि वरुड खालामागसिनो द होनाने मख'थो

कंग्रेस दैदेनगिरि जयराम रमेशआ अजीत डभालनि फिसाज्लानाव निमाहा बिदों

गोदान दिल्ली, 19 दिसम्बर: कंग्रेस दैदेनगिरि जयराम रमेशआ दायनि मानहानि के सयाव माहारियार रेखाथि बोसोनगिरि अजित डभालनि फिसाज्ला बिबेक डभालनाव आर'ज गाबदों। बिबेक डभालना कंग्रेस दैदेनगिरि जयराम रमेश आरौ कारवां मेगाजीननि हेथायै मोनसे बिबुंधि होनाय आरौ लेखनि थाखाय मानहानि के सखौ थिसन्दोंमोन। कंग्रेस दैदेनगिरि जयराम रमेशआ बुंदों गाव बिबेक डभालनि हेथायै बिबुंधि होदों। बिसायख'थिनि समाव गाव रगा जौनाने दाय जाबसिन्दों। नाथाय



गाव दाय जाबसिनायनि सिगां बिबेक, डभालना बुंदों जयराम गावसोर बेनि निमाहा बिनायखौ सानग्री नंगौमोन। बे केसयाव रमेशआ निमाहा बिदों आरौ गनायना लाबाय। नाथाय कारवां

मेगाजिननि हेथायै मानहानिनि केस थिसननाया थाबाय थागोन। 'दा कारवां' मुनि मोनसे वेब मेगाजीनआ अजीत डभाल आरौ बिनि नख'रनि सायाव गोथौ दाय जाबसिनाय बुंदोंदि, अजीत डभालनि फिसाज्ला बिबेक डभालना केमेन आइलेन्डआ हेज फा-ड सालायो। बे हेज फा-डखौ 2016 आव गहाय मन्त्रि नरेन्द्र मदिनि नटबन्दीखौ फोसावनायनि 13 साननि उनाव रेजिस्टर खालामनाय जादोंमोन। बिबेकनि बे फालांगिआ फंबाय शौर्य डभालनि फालांगिजौ सोमोन्दों द।

एम एल ए बनसरी माइतीअआ पार्टिनिफ्राय मासि एंगलायबाय

कलकाता, 19 दिसम्बर: मिरुयारि नख'र मन्त्रि अमित शाहनि सोनाब बंग'आव दावबायनायनि सिगां सानावबो तृणामुल कंग्रेसआ मोनसे गिदिर सोमोनांदों। बवेखानि तृणामुल कंग्रेसनि आरोबाव सासे एम एल एआ पार्टिनिफ्राय बिबान एंगलायो। बेबायदियाव सोनाब बंग' बिधान सभा बिसायख'थि 2021 नि सिगां खुंथायाव

थानाय तृणामुल कंग्रेसआ लान्थियै लोखां जालांगसिनो दड। सुलुडव फोरमायनाय बायदिल्ला, तृणामुल कंग्रेसनि एम एल ए बनसरी माइतीआ पार्टिनिफ्राय मासि एंगलायो। बनसरी माइतीआ सोनाब बंग'नि सा कान्ठी बिधान सभा मासिनिफ्राय एम एल ए। सुलुनि बायदिल्ला एम एल ए बनसरी माइतीआ दिने बि जे पिआव

हाबनो हासिगौ। सासेनि उनाव सासे तृणामुल कंग्रेसनि दैदेनगिरिफोरनि मासि एंगलायनाया राइज्योनि गिबि मन्त्रि ममता बेनाजीनि जिगाया बारयागसिनो दड। मख'नो गोनांदि, भारतीय जनता पार्टिआ सोनाब बंग' बिधान सभा बिसायख'थियाव देरहानो थाखाय गावसोरखौनो



राइज्योयाव गोखों खालामागसिनो दड। दिने नख'र मन्त्रि अमित शाहआ सोनाब बंग'आव दावबायनो कलकातायाव सौहेबाय। बेराफारसे सोनाब बंग सरकारनि केबिनेट मन्त्रि मासिनिफ्राय बिबान एंगलायगा तृणामुल कंग्रेसनि दैदेनगिरि भुबेन्दुआ दिने गावसोरनि रोजा-रोजा मदतगिरिफोरजौ लोगोसे बि जे पिआव हाबनो हासिगौ। बिथांमोना नख'र मन्त्रि अमित

शाहनि मिदनापुर रेलियाव अमितजौ लोगो हमगोन। बेबायदि समाव टि एम सिनि गोवां अन्जिमनि मावसुमाफोरबो शुबेन्दुजौ लोब्बा लाखिदों। अदेबानि भुबेन्दुआ बि जे पिआव हाबनायजौ लोगोसे टि एम सिनि गोवां मावसुमाफोरबो सि एम ममता बेनाजीनि पार्टिखौ नागरिसगोन, जाय टि एम सिनि थाखाय मोनसे गिदिर सोमोनांथाव।

SHORT NOTICE INVITING TENDER

Sealed tender affixing non-refundable court fee stamp of Rs. 8.25 (Rupees eight and twenty five paisa) only in prescribed form which will subsequently to be converted and drawn up in the printed APWD F-2 form of Tender Agreement are hereby invited from the eligible registered Contractors for the year 2020-21 of Irrigation Department, Assam and BTC for submitting tenders for the works as stated below. The tenders will be received by the undersigned up to 2.00 p.m. on 02/01/2021 and will be opened on the same day at 3.00 p.m. by the undersigned or the officers authorized to open the tenders in presence of the tenderers or their authorized representatives who may wish to present.

In the event of non functioning of the office on the date due to any reason or any Govt. holiday being declared on that day then next working day of the office will be the date of receiving and opening of the tenders.

The rate to be quoted in percentage (%) basis i.e. at per estimate/below the estimate/above the estimate rate.

Name of Works: Different works in different Minor Irrigation Schemes (52 Nos.) sanctioned under AIBP for the year 2009-10, 2012-13 & 2013-14, SCSP for the year 2008-09 and Repairing works at Tangla Irrigation Colony.

Approximate Value: The detailed Workwise value may be seen in office hours upto 1.00 PM on 2nd January, 2021.

Time of Completion:- 45(Forty five) days from the date of issue of Work order.

The detailed N.I.T., Specifications along with all terms and conditions may be obtained on written request in all working days during office hrs in the office of the undersigned on payment of non-refundable Rs.200.00 in the form of Demand Draft/Banker Cheque only from any Nationalized Bank duly pledged in favour of the undersigned payable at Udalguri up to 1.00 PM on 01/01/2021. Tender paper must be filled up addressing to all points/terms specified with the tender form, otherwise tender will be treated as cancelled. The contractors must submit attested copy of Up to date Registration Certificate, Labour Certificate, IT certificate, GST Registration, Pan card, Xerox copy of SBI Bank pass book along with the Tenders. The successful tenderer has to be submitted Earnest Money @ 2% in case of General Category and 1% for SC/ST/OBC/MOBC as Security Deposit Money against the work value in the form of Demand Draft/Banker's Cheque only from any Nationalized Bank duly pledged in favour of the Undersigned at the time of allotment of work. The undersigned reserves the right to accept or reject any or all of the tenders without assigning any reason thereof and also the undersigned is not bound to accept the lowest tendered rate. Payment/Proportionate payment for the work will be made subject to the availability of full fund/part fund under the concerned Head of A/C and proportionate to the physical progress of works. No claims (Including any interest on bill amount) whatsoever will be entertained for delayed payment due to non receipt of fund from the authority under the concern head of A/c and Department will in no case be responsible for the same.

Sd/-
Executive Engineer
Tangla Division (Irrigation), Tangla

JANASANYOG/C/8896/20

SHORT NOTICE INVITING TENDER

Sealed tender affixing non-refundable court fee stamp of Rs. 8.25 (Rupees eight and twenty five paisa) only in prescribed form which will subsequently to be converted and drawn up in the printed APWD F-2 form of Tender Agreement are hereby invited from the eligible registered Contractors for the year 2020-21 of Irrigation Department, Assam and BTC for submitting tenders for the works under SOPD for the year 2018-19 as stated below. The tenders will be received by the undersigned up to 2.00 p.m. on 05/01/2021 and will be opened on the same day at 3.00 p.m. by the undersigned or the officers authorized to open the tenders in presence of the tenderers or their authorized representatives who may wish to present.

In the event of non functioning of the office on the date due to any reason or any Govt. holiday being declared on that day then next working day of the office will be the date of receiving and opening of the tenders.

The rate to be quoted in percentage (%) basis i.e. at per estimate/below the estimate/above the estimate rate.

Sl. No.	Name of Work	Tender Amount (Approx Value)	Time of Completion
1.	Construction & Repairing of Pagulibari LP. Bund at Thanapara village under SOPD for the year 2018-19.	Rs. 10,00,000.00	45(forty five) days from the date of Issue of Formal Work Order
2.	Repairing of Balipara FIS under SOPD for the year 2018-19.	Rs. 23,58,700.00	45(forty five) days from the date of Issue of Formal Work Order

The Tender Paper may be obtained in all working days during office hrs from the office of the undersigned on payment of non-refundable Rs.250.00 in the form of Demand Draft/Banker Cheque only from any Nationalized Bank duly pledged in favour of the undersigned payable at Udalguri up to 1.00 PM on 04/01/2021. Tender paper must be filled up addressing to all points/terms specified with the tender form, otherwise tender will be treated as cancelled. The contractors must submit attested copy of Up to date Registration Certificate, Labour Certificate, IT certificate, GST Registration, Pan card, Xerox copy of SBI Bank pass book along with the Tenders. The successful tenderer has to be submitted Earnest Money @ 2% in case of General Category and 1% for SC/ST/OBC/MOBC as Security Deposit Money against the work value in the form of Fixed Deposit only from any Nationalized Bank duly pledged in favour of the Undersigned at the time of allotment of work. The undersigned reserves the right to accept or reject any or all of the tenders without assigning any reason thereof and also the undersigned is not bound to accept the lowest tendered rate. Payment/Proportionate payment for the work will be made subject to the availability of full fund/part fund under the concerned Head of A/C and proportionate to the physical progress of works. No claims (Including any interest on bill amount) whatsoever will be entertained for delayed payment due to non-receipt of fund from the authority under the concern head of A/c and Department will in no case be responsible for the same.

Sd/-
Executive Engineer
Tangla Division (Irrigation), Tangla

JANASANYOG/C/8888/20

SHORT NOTICE INVITING TENDER

Sealed tender affixing non-refundable court fee stamp of Rs. 8.25 (Rupees eight and twenty five paisa) only in prescribed form which will subsequently to be converted and drawn up in the printed APWD F-2 form of Tender Agreement are hereby invited from the eligible registered Contractors for the works under NABARD for the year 2018-19 as stated below. The tenders will be received by the undersigned up to 2.00 p.m. on 05/01/2021 and will be opened on the same day at 3.00 p.m. by the undersigned or the officers authorized to open the tenders in presence of the tenderers or their authorized representatives who may wish to present.

In the event of non functioning of the office on the date due to any reason or any Govt. holiday being declared on that day then next working day of the office will be the date of receiving and opening of the tenders.

The rate to be quoted in percentage (%) basis i.e. at per estimate/below the estimate/above the estimate rate.

Sl. No.	Name of Work	Tender Amount (Approx Value)
1.	Silbari FIS under RIDF-XXIV(NABARD) for the year 2018-19.	Rs.39,54,000.00 (In different groups)
2.	Batabari Nabin Dong FIS under RIDF-XXIV(NABARD) for the year 2018-19.	Rs.52,47,600.00. (In two groups)
3.	Construction of Operator Shed at Kathalbari Bhubia Bund FIS under RIDF-XXIV(NABARD) for the year 2018-19.	Rs.5,60,500.00

The detailed N.I.T., Specifications along with all terms and conditions may be obtained on written request in all working days during office hrs in the office of the undersigned on payment of non-refundable Rs.200.00 in the form of Demand Draft/Banker Cheque only from any Nationalized Bank duly pledged in favour of the undersigned payable at Udalguri up to 1.00 PM on 04/01/2021. Tender paper must be filled up addressing to all points/terms specified with the tender form, otherwise tender will be treated as cancelled. The contractors must submit attested copy of Up to date Registration Certificate, Labour Certificate, I.T. certificate, GST Registration, Pan card, Bank pass book along with the Tenders. The successful tenderer has to be submitted Earnest Money @ 2% in case of General Category and 1% for SC/ST/OBC/MOBC as Security Deposit Money against the work value in the form of Demand Draft/Banker's Cheque only from any Nationalized Bank duly pledged in favour of the Undersigned at the time of allotment of work. The undersigned reserves the right to accept or reject any or all of the tenders without assigning any reason thereof and also the undersigned is not bound to accept the lowest tendered rate. Payment/Proportionate payment for the work will be made subject to the availability of full fund/part fund under the concerned Head of A/C and proportionate to the physical progress of works. No claims (Including any interest on bill amount) whatsoever will be entertained for delayed payment due to non receipt of fund from the authority under the concern head of A/c and Department will in no case be responsible for the same.

Sd/-
Executive Engineer
Tangla Division (Irrigation), Tangla

JANASANYOG/C/8892/20

NO.IND/CHD/FA-18/2013-14/364

NOTICE

Dated Kokrajhar the 17th December 2020

Applications are invited for following programmes for the financial year:2020-21 from artisans, entrepreneurs, unemployed youths from BTR who are interested to set up and run Micro Enterprises or having existing such enterprises for the trades as mentioned below. Trained and skilled persons are encouraged to avail the facilities to increase income and also to generate employment under the programmes.

Name of Schemes :-

- 1) FINANCIAL ASSISTANCE SCHEME(FAS) :: (Trades:- Rice/Chira Milling,Puffed Rice Manufacturing, Bakery, Milk Processing, Noodles Making, Mushroom Processing,Fruits & Vegetable Processing,Bee Keeping & Processing, Superi processing, Green Tea Manufacturing & Packaging, paper & betel nut leaf cup/plate making,Chitranaala Processing, Vermicompost, Cane & Bamboo Works, Decorative Candle making ,Incense Stick Manufacturing, Bell & Brass metal Smithy, Pottery Making, Fashion Designing, Electrical & Electronics service, Gents/Ladies Parlour, Agro-Farm Equipment Servicing, Automobile Servicing ,Tyre Repairing & Resoling, Traditional weaving /Endi Spinning, Hand Sanitizer Manufacturing)
- 2) SUPPLY OF IMPROVED TOOLS & MACHINERIES(SITM) :: (Trades: Rubber Roller,Decorative Candle making, Incense Stick Manufacturing, Spice Grinding, Mini Mustard oil Expeller, Noodles/Sewai/French fry Making, Tomato Sauce making, Paper cup/plate making, Steel Fabrication, Fashion Designing, DTP/ Xerox, Electrician, Automobile Servicing, Masonry/Tiles works, Carpentry, Bee Keeping & Honey Processing)
3. MARGIN MONEY ASSISTANCE SCHEME (MMS):: (New & existing handicraft and other industrial units which had already availed Bank loan and as covered under BIP'19.)
4. CAPITAL INVESTMENT SUBSIDY(CIS) ::(Micro Enterprises already gone into commercial production and as covered under BIP'19.)
5. INTEREST SUBSIDY ON TERM LOAN(ISTL):: (Bank financed Enterprises already gone into commercial production and as covered under BIP'19.)
6. CEM'STHOLUWA UDYOG UNNAYAN ACHANI(CTUUA):: (SHGs of artisans relating to handicraft & traditional industries already gone into commercial production and as covered under BIP'19.)
7. DOMICILE ENTREPRENEURS SUPPORT SCHEME(DESS):: (For setting up Micro enterprises, conducting EDP/ seminars etc, developing industrial infrastructure as covered under BIP'19.)

Application forms will be issued w.e.f. 19.12.2020 from following offices and duly filled up applications will also be received in the same offices. Last date of receipt of application under FAS,SITM,MMS is 11.01.2021 upto 4.00 PM. Applications for above mentioned other schemes(CIS,ISTL,CTUUA,DESS) will be submitted to concerned GM,DISS as per guidelines of Bodoland Industrial Policy'2019.

- 1) O/o The General Manager, District Industries & Commerce Centre, Kokrajhar/Chirang/Baksa/Udalguri.
- 2) O/o Assistant Director of Industries & Commerce, Parbatjhora/Gossaigaon/Bijni/Tamulpur/Salbari/Bheergaon.

Incomplete applications and applications without relevant documents will be rejected summarily.
Sd/-Addl. Directors CHD
Industries & Commerce Deptt
BTC::Kokrajhar

IPR(BTC)-65/2020

194 राडाव एलपिजि सिलेन्डारखौ मोनगोन, पेटमआ गोदान अफारखौ लानाने फैदों

गोदान दिल्ली, 19 दिसम्बर : आथिखालाव जाग्रा लोंगा आदार बानायनायाव बाहायनाय एलपिजि गेस सिलेन्डारखौ 694 नि जायगायाव 194 राडावबो बुकि खालामनो हागोन। अनलाइन पेमेन्ट कम्पनी पेटम बाहायगिरिफोरनि थाखाय मोनसे मोजां अफारखौ लानाने फैदों। कम्पनीआ गेस सिलेन्डारखौ बुकि खालामनायनि सायाव 500 रांखौ केसबेक होदों। खौरनि



बादिब्ला पेटम जौ एलपिजि बुकि खालामब्ला 500 रानि केसबेकखौ मोननो हागोन। बेनि थाखाय पेटम एपखौ डाउनलड खालामनांगोन। केसबेकनि मुलाम्फाखौ लानो थाखाय

बयनिखुइबो सिगां रिसाच एन्ड पे बिलनि अपसनाय थांनांगोन। आथिखालाव बेवहाय बुक ए सिलेन्डार सायाव टेप खालामनांगोन। बेवहाय गेस सिलेन्डारनि खौफोरथिखौबो होनांगोन। पेमेन्टखौ होयनि सिगां अपार सायाव फास्ट एलपिजि प्रम कडखौ होनांगोन। मख'नो गोनांदि, पेटम निफ्राय गिबि खेब गंसे सिलेन्डार बुकि खालामनायनि सायाव 500 रानि केसबेकनि मुलाम्फाखौ मोननो नागिरदों। 500 रानि के सबेक पेटिएम बेक एकाउन्टयावबो सौफैफगोन। एलपिजिनि डिडिभारिनि थाखाय पेटिएमआ भारत पेट्रिलियम, इन्डियान अयेल आरौ हिन्दुस्तान पेट्रिलियमजौ लोगोसे रादाय खादों सुबुफोरनि गेजेराव पेमेन्ट प्रमसननि थाखायनो कम्पनीया गोदान केसबेकनि अफारखौ लानाने फैदों।

दाबो मोजां मोनो

नोंखौं आं दाबो मोजां मोनो प्राण
गावनि गिबि आरो जोबथा साननानै ।
नाथाय नोंसो..... ?
नों मानो दासिमबो बुजिनो रोड,
गोसो सिंनि रावखौं
गोबां बाश्रा बुंनंगौ दं
आंहा नोंनि सिगाडव ।
नाथाय नों मानो खोनासंनो बायो ?
मोजां मोनायखौं नोंनो बेखेवप्रोदोंमोन
नागारनायखौं नोंनो बेखेव सिगोन नामा ?
नोंनि फावआनो मिथिहोबाय आंखौं
नोंदि आंखौं नागरबाय होन्नानै
दान्दिसेनि थाखायल 'ब्लालाय
मानो मोजां मोनामोन नों आंखौं ?
सानदों नामा नों
लाभ आ टायेम पास होना ?
गुबुननि थाखाय बियो थैजासिमनिसो ।
नोंनि मुडनो आंनि जिउ (प्राण)
जाय जिउ गैयाब्ला आं थाना थानो हाया
मानोना प्राणनि सोदोबथियानो जिउ ।

मिस देंखो राणी ब्रह्म
गामि- सा सुकानिपारा
ला:सो:- खाग्राबारि,
जिला- चिरां बि टि सि आसाम ।

मोदैनि बाजा

दुखु दाहायासो साग्लोबजोबदों
सुबुनि समायना मुलगु संसारखौं,
अन्जिमा गैयै थैनि बोहैनाय,
नायहर हनै सुबुनि रैरुब बिखानिफ्राय ।
बयबो बोजबनानै लादों हेव साननायखौं
फोजोबनो सानदों संसारनि गोजोनखौं,
अनलायनायबो गैलिया, सानलायनायबो गैलिया
गोमा लानो हमबाय गोजोननि बेन्दोंआ ।
सुखु गोजोन गासैबो,
बे संसाराव.....
सोलायजोबबाय दुखुनि बेन्दोंयाव,
बयनिबो मेगनाव मोदैनि बानायाल'
त्रय-त्रय बोहैनो लागै बाहा लादों ।
सुबुनि जिउनि गोजोननि जुजि लायनायाव,
खोमसियासो देरहासाद जानो हादों ।
गोजौ अखोरानि अखाफोरनि साथिनायखौं,
गोसोम जोमैआसो जोखोबनानै लानो हादों ।
बयबो दुखुखौं हमदानो हायो,
नाथाय ! गोजोननि बेन्दोंखौं,
लाबोना नाजानायाव दुखुनि मोदैआ,
लोगोयाव एसे सिथाबना फैयो ।

मुम्रि फैलाव बसुमतारी
गामि- हुलमागाव

बैथा गौयै जिउनि दिडा

बे फैलाव बुहुम बिखायाव
सोरगिदिं साग्लोबनानै दं,
लैथो लैथोमा.....
दं आं दैमा सेराव जिरायनानै,
गावनि जिउनि गोजोननि,
खोथाखौं सानै सानै ।
नाथाय ! सोरगिदिं माथो खोमसिसो ?
सोरांखौंबो जेरावबो नुनो मोना
दुखु दाहा सहायनानैब्लाबो,
सोरानि लामाखौं नायगिरबायदों आं ।
मा एसे गोसोथाव.....
सोरजिगिरि नोंनि सोरजिनायलाय,
आंखौं मानो नायहरदिया
गोजोन गैयै बे जिउआव,
बैथा गैयै जिउनि दिडाखौं,
जावलांगसिनो दं आं ।

मुम्रि फैलाव बसुमतारी
गामि- हुलमागाव
ला:सो:- सट' निलिबारि,चिरां

मा गोसोजों बावगारनो हानो आं

सिमां मोकथां नोंखौंनो गोसो
खाडै खाडै आंनि बिखा
बिख्लोआ खामगिललानाय
बादि मोनो ।
सानस'नो हाया नोंनि महर मुस्रिखौं,
मा गोसोजों बावगारनो हानो आं ।
नाथाय..... ।
नोंखौं सानसे नुवाब्लानो थानो
हायै बादि मोनबाय आं ।
नोंखौं बावगारनो सानब्लाबो
गोसोआनो मानिया ।
नोंनि थाखाय आं एसेबां
फागोलि जाबाय ।
मादि मुहनि गोनां नोंनि महारालाड़
बावगारनो सानब्लाबो बावगारनो हाया ।
नोंखौं सानै सानैनो जानो लॉनो
सुखुखौंनो मोनला आं,
नाथाय....माबोरै आं नोंखौं बावनो हानो ।
बावगारनो सानब्लाबो नोंनि
अन्नाय आरो नों बुनाइ बाश्राफोरखौं
गोसो खाडै खाडै आंनि
मेगननिफ्राय मोदैनि निजिरा बोहैबोयो ।
आं आसा खालामो
फिन जोनोमाव नोंजोंनो
आलो गोजोनै थानो मोन्थों ।

थरायना मिजं ब्रह्म
गामि- घाडलिगुरि
ला:सो:- सन्द्रपारा,
जिला- कक्राझार बि टि सि, आसाम ।

खौसे गोसो

बेसे गोदै बेसे गोजोन
दिनैनि समा ।
थागोन जों दिनै खौसे गोसोयै
सिबि लांगोन जों सुबुं समाजखौं ।
फुबिलिनि जारां साना-
आलो गोजोन आंखोरबोगौ मिनिरु जानानै,
सैथोनि गोजोन लामाखौं संदाननानै
खोमसिखौं सोरां खालामनो होन्नानै ।
मिजं जॉनि हारिमु सिबिलांनयनि,
बुहुमाव मोनसे माहारि सिनायथि होलांनयनि ।
हिन्दु,मुसलिम, शिक, खुष्टान
थागोन जों खौसे गोसोयै,
गोसो जॉनि प्रशान्त लैथोमा बायदि
साननाया जॉनि हिमालय हाजो बायदि,
जाति धोराम रावखौंबो नेवसिनो हाया जों
थागोन जों खौसे गोसोयै ।

थरायना प्रियंका ब्रह्म
गामि- बाटारमारि,

सिमांनि रानि

लोगो मोनजेनदोंमोन आं नोंखौं
सोरगोनि सिमांफुरि राइजोयाव,
मोजां मोन्दोंमोन आं
नोंनि सिमांनि रानि महरखौं ।
नाथाय नों मानो आंजों
मोकथांआव नुजाफैया ?
नों मानो मोकथांनि रानि जानानै
नुजाफैया ? खालि सिमांआवल'
सिमांनि रानि महरै
नुजाफैयो नों आंनि सिगाडव ।
लादोंमोन आं नोंखौंनो
मोकथांआव जिउनि रानि,
नाथाय नों आंखौं मानो सिमाडव
जावलिया खालामबाय थायो ?
आंदि नोंखौंनो सिमांनि
रानिब्लाबो बै सिमांफुरि
राइजोयाव आलो गोजोनै
थानो सानदों ।

मुम्रि जांगिला ब्रह्म

रंजालि गथ' फोरनि सौरा

आंनि उब्दै सुमनि बुख्लि

आंनि गोबों इंसिनि
खथायाव थानाय,
खिलि जेन्नाय जॉलारि
गोजां अलंवार बायदि
सोर दानानै होखो ।
आंनि उब्दै समनि
बै बुख्लिखौं गोसोखांब्ला
माखासे सानखांनय फैयो ।
उब्दै समाव आं गेले-गेले
थाबोदोंमोन बिमा-बिफाजों ।
बे दिना जेरै बारलांबाय थायो,
बे बायदिनो बैसोआबो
लासै-लासै थांबाय थायो ।
बिमा-बिफानि बोसोन
होनायाव फोरोंनायाव ।
राव राइनो लिरनो रोंबाय ।
बिमा-बिफायानो बे
समाइना बुहुमखौं नुहोबाय ।
गोबों फारथामनिफ्राय
गोसोआनै बिमाखौं गिबि
गावजिगोनगौ जादों ।
बिनि उनावसो बिफा,
बिदा खुरमा बाहागि ।
माब्लाबानो बोथोरजों
लोगोसे जोबनानै थाडो
आंनि बै उब्दै समा ।
आं जाबाय दा सासे
आजोला जोहोलाव सेंग्रा ।
देरनायजों लोगोसे आंनि
साननायाबो उब्दै समनि
बायदि थाबाय थालिया ।
मुम्रि हांखायग्रा बरगयारी
गामि- खोला मारियगाव
ला:सो:- सिम्बरगाव ।

बिबार

बिबार-बिबार मानो बारो नों बिबार
फैयो नों मानो सानसे सानै निल'
जिउ लानानै फैलाव मिथिंगा बिखायाव ?
दड नामा नोंहा सानसे सानैनिल' जिउ
नंगौ नों इशोरजों थिनहर जानाय
बे फैलाव मिथिंगा बिखायाव ?
सम आरो बोथोरजों गोरोबनानै
फैयो आरो थाडो नों बे फैलाव मिथिंगा
बिखानिफ्राय ।
समायना-रमायना बायदि हायना
महरनि बिबार फोरा
गेवलां-गेवथां बारदों
हायना महरनि नों मोदोमफु बिबार
नोंनि हायना महराव बेरे सिखिरिफोरा
बिदें सोबनो बिरबाय बिरबाय
नायगिर बायो नोंखौं बिबार
मानो बारो नों बिबार ?
आय' बिबार नों मानो मोजोमसेल' ?
नोंनि हायना महरखौं नुफा-माफा
बे फैलाव मिथिंगा बिखायाव ।
साया-माया, नुहां-नुवाहां दै थरथिंसेल' ।
सम जानाय लोगो लोगो - गोमा
लांफिन जोबो मानो नों बिबार ?
अ' बिबार नों मा एसे समायना-रमायना ।
नोंनि महरा सुबुंनि गोसो-गोबों
आव गोजोनगलाय होयो ।
समायना-रमायना बायदि गोमो-गोथां
गाब गोनां नोंनि महरा लासैनो
गोबायो अनसुलि बुहुम बिखाखौं
गावनि बोथोराव गाव.....
सम आरो बोथोरजों गोरोबनानै ।

रिनदाव बसुमतारी
गामि- आमिनफारा, पाटगाव
जिला- कक्राझार, बि टि सि, आसाम ।

सिख्रि

सिख्रि नों मा एसे समयन मा एसे रमायना ।
नोंनि बे महर मुश्रीखौं नुनानै..... ।
आं गोसोबाय नुआखैमोन ।
आं रावखौंबो नाथाय आंनि
बे बिबार बारि आव हांसिंङे नों ?
सिख्रि गेबलां गेवथां गलाव बिबाराव,
बाबाथाय नों बेसे समायो..... ।
नोंनि बे गावआ गोजा, गोसोम,
गोमो, गुफुर, मा एसे समायना नों सिख्रि ।
नों आंनि सानफ्रोमनि दुखु सुखुखौं..... ।
नोंखौं आंनि जिउनि लोगो;
नों दिनैनिफ्राय आंखौं लोगो साननानै लादो ।
बे बिबार बारि आव सानफ्रोमनो बाफैबाय
था, आंनि दुखु सुखुखौं सुगलाय होफै ।

मिच प्रतिमा राणि ब्रह्म

जिउ

ओइ जिउ नों
मा एसे गोमोथाव
दानो दं दानो गैया
दानो उजिगोन दानो थैगोन
थास' लाइवादि नोंनि महर ।
बयखौंबो मिथिस्लाव होयाजासे
बयखौंबो मोनथिनो मोनहोआजासे
लाडो नों बयखौंबो
होयो नों ओमफ्राय
बयनिबो मेगनाव मोदें ।
दासिमबो मिथिरोडाखै आं
मा जिराय नों ?
मानो एफा ग्राब मैया मैया ?
ओइ जिउ ।

थरायना रैसुमै बसुमतारी
गामि- सथ मालगाव
ला:सो:- सिलगारा ।

पुर्णिमा

हास्थायसुला गोसोआ हास्थायो
खालि नोंनि बे हरनि समाव
भुहुमखौंनो जॉनानै समायहोग्रा जारां रां महरखौल'
सानो आं नोंनि बे जोबथा गेवसारनाय दिनाव
मोनहायाब्लाबो थुख्लायनानै आंनि गोबोंआव
बोजबना लानो ।
नाथाय गैथ'आ आंनियानो नोंखौं थुख्लायनो
हानायनि गोहो पुर्णिमा ।
दड दा आंनि हास्थायनायाव खालि नोंखौं हरनि
समाव आंनिसिम मोदान हरजानो लुबैनय पुर्णिमा !
आंदि बेसेबां मोजां मोनो
बे आंनि गेवसारनाय पुर्णिमाखौं ।
सोर मिथिदों आंनि गोबों सिंनिफ्राय
नोंनो अन्नाय जासिनायखौं ।
नाथाय दुखु थागोन नोंखौं थुख्लायनानै आंनि
गोबोंआव बोजबना दोननो मोनाब्ला पुर्णिमा.....
नाथाय फागला हास्थायसुला गोसोनि हास्थायनायखौं
लानानै दानदाखौं खात्रय नात्रय थुख्लायनायखौं
मोनोब्लाबो गैथ'आ आंहानो नोंखौं दोन्नायनि
स'नानि देरा ।
बिनिखायनो गैथ'आ आंहा
नोंखौं मोन्नायनि राहा ।
सानबायल' गोसोआव आंहा आसा
थांखिआ जाब्लाबो जासिगौ जॉनि बासा ।

मुम्रि सुदिब कुमार मोसाहारी
गामि:- फुलकुमारी
जिल्ला:- कक्राझार (आसाम) ।

सोदोमस्रि

नोंनो गिबि आंनि मेगनि नोजोराव
मुड नोंनि जेरै सोदोमस्रि
महरा नोंनि नायबाय थाथावथाव
बारफुनाय गलाप बिबार बायदि ।
लोगो मोनजेननाय समाव
खसायधाम महालया फुजायाव
गोसो माब्रैबा हरखाव मोजां मोनबाय
नोंनि समायना महरखौं नुनानै ।
बावनो नाजाब्लाबो बावनो हाया
नोंनि समायना महरआ
बिखाया ख्लाव मोनखाडो नोंखौं गोसो खांना
गोसो गोबों गुसु मेलेमाव ।
गलाप बिबारनि महर देरफुनाय नों सोदोमस्रि
खावलाया नोंनि जारै रौ
बेनो बोनानै लाडो गोरबोखौं
अनजालि गोथार गोसोनि फोथायसुलि ।
लोगो मोनोब्ला सानो रायदावनो
हमथाना थाफिनो गोसोआ
गोसोआवनो थाफिनो खुगानि राव ।
फोजोब होबाय नों
नोंनि गोबोंनि गोथौ मिजंखौं

मुम्रि आगष्ट नाजारी
गामि- थाकथारा, ला:सो:- रच्छाइधाम
जिला- चिरां बि टि सि

बोथोर सोलायनायनि जाहोनाव 2050 माइथायसिमहालागै 4 कौटिनिफ्राय बांसिन भारतीयफोरा खारखोमा लानो हागौ: स्टाडी

गोदान दिल्ली, 19 डिसेम्बर : भारतजों लोगोसे खोला एसियानि सुबुंफोर खौ खारखोमानायखौ लानाने मोनसे गोमोथाव नायबिजिरसनाया सोराडाव फेदों। बे नायबिजिरसनाय बादिब्ला फैनो गोनां 30 बोसोर एबा 2050 सिमाव 40 कौटिनिफ्राय बांसिन भारतीय सुबुंफोरा हादरखौ नागारनाए खारखोमा लानो हागौ। खोला एसियानिफ्राय 2050 सिमाव 6 कौटि आरो भारतनिफ्राय 4 कौटि 50 लाख सुबुंफोरा न'खौ नागर नांनो हागौ। बेनि गिदिर जाहोना जादों बोथोर सोलायनाय। इन्टरनेसनल माइग्रेन्ट्स डेआव



फोरमायनाय रिपर्टनि बादिब्ला, बे अन्जिमाया दावहानि जाहोनाव खारखोमा लानाय सुबुंफोरजों समान। बोथोर

सोलायनायनि जाहोनाव गोखैयैने लैथोमानि दैया बादों। गोमो दैया बाडाइ जालांदों। आबादफोराबो बाडाइ जालांदों,

लोगोसेनो रानस्राव बोथोरनि केसआबो बादों। बेबादिनि जाहोनाव फैनो गोनां 30 बोसोराव भारतनिफ्राय 4 कौटि

5 लाख, बांलादेशनिफ्राय 3 कौटि 30 लाख नेपालनिफ्राय 50 लाख, पाकिस्ताननिफ्राय 1 कौटि 90 लाख आरो श्रीलंका निफ्राय 1 कौटि सुबुंफोरा खारखोमा लानो गोनां जानो हागौ। एन जि अ 'एक्सन एड' आरो साउथ एसिया क्लाइमेट एक्सन नेटवर्कनि गेजेरजों फोसावनाय रिपर्टनि बादिब्ला, जुदि गासिबो हादतफोरा बोथोर सोलायनाय बिथिनि फासैं थांखि लानांगौ आरो ग्लेबल एभारेज बिदुडव 2 डिग्रीसिम दावखलाय होनो हायोब्ला बे अन्जिमाया दावखलायनाए 3 कौटि 40 लाखसिम जाहैनो हागौ।

गोगो साननाय-हनायासो मानसिनि जिउखौ दायो

(1 बिलाइनिफ्राय)

साना बासिनो नांगौनिखुइ गोबांसिन ना बायोमोन। से किल निखुइ इसेल ना बायोब्ला मान थाडे होनानै सानोमोन, बायदि बायदि। फंसे रावजों बुंनो थाडेब्ला आनि गेना गोरोन्यि गोनां साननाय हनायनि थाखायनो आनि आखुया गथ-गथयफोरजों नखरा सोलिनो गोब्राव जालांदोंमोन। आं सोलिनो हाया जालांदोंमोन। बे समावको गाहायाव होनाय सिरिसे साहाव बुंनय रावनि गोथौ ओंथिखौ बुजिमोननो हादोंमोन "When character is lost everything is lost." बै समाव आनि हालोदा जोबोद गाजिमोन। फारसेथि आफया लुनाय आरो थाप्रा न'आ साहा बागाननि मेनाजार थाप्रा मेनाजारनि बांला बादि 3,700 स्क्वेर फुट जोबोद गिदिर न'। आनि गोसोया बायगिल लांदोंमोन। थिग बे समावको थामहिन्बा 1995 माइथायनि बैसागु समाव जौनि नखरनि आलासि दुमसि, मोजां हास्थायगिरिफोरजों रायज्यायना गावनि बिसि आरो फिसाफोरखौ लाबोना गावनि गासैबो मान-समान आरो लाजिनायखौ गारनाए सिबसागरआ फेना आनि जिउनि नैथि इनिंसखौ जागायजेनो। गिबियाव विहावसो मोननि नआव थानायनि उनाव फिसाभारा न' लायो। आनि बिसियाबो 1995-96 माइथायनिफ्राय शिबसागरनि गंसे गुदि फरायसालियाव फोरोंगिरि साखि मोनसेयाव हाबनायलाय बै समनिफ्राय जोबोद सांग्राडे जिउनि नैथि इनिंसनि बेतखौ हमागसिनो। आनि बिसिया साखिनि माहेनाजों Sheet anchor नि रल लादों। आंबो जेसेबां हायो straight bat जों गेलेनायनि स्टेडिजि लाना आनि जिउनि नैथि इनिंसखौ मावफुलांनो नाजादों। जिउनि गिबि इनिंसबादि क्रस

बेटजों बाउडारि एबा सिक्सार बुंनो नाजायाखै। Copy book cricket सो गेलेनो नाजादों थामहिन्बा संसारनि गोनां नेम-खान्थिफोरखौ मानिनाए जिउ खुंलानो नाजादों थामहिन्बा संसारनि गोनां नेम-खान्थिफोरखौ मानिनाए जिउ लामाजों सिगालानो नाजादों। बेनि फिथाय महेरेनो शिबसागरनि फुकन नगरव थांनाय बोसोर 2007 माइथायाव हाजों नजों बायना खरसायाव गावनि होनानै बुंनो हनाय दख्लासे हा बायनो हादों लोगोसे गाव लुबैनायबादि आइ-टेन गारि गंसे बायनानै समाजाव गावखौ धोनि सुबुं महेरे सिनायथि होनो हादों। आं बादि सासे रावजोंबो सिनायजाथै सेंप्रा समनि माखासे खेंफोरथिफोर होनायनि ओंथिया बेनोदि आथिखाल गोदान जोलैनि सेंप्रा-सिख्लाफोरा बिसोरनि आखायाव नांगौनिखुइ बुरजा रां फेयोब्ला, बिसोरो जाहाथे ओंनिबादि मोजां साननो हनाय गियायनखौ खोमाना लानायनि सोलाय बे रांखौ मोजां खामानियाव बाहायो। मानोना बै समाव बुरजा रां मोननानै आं जिउनि थांखिखौनो बावगार लांदोंमोन। आनि बिसि आरो गथ-गथयखौबो फोराननानै दोननो गोनां जादोंमोन। आनि बिसिया आंनो सोरजिनानै लानाय बे गिदिर खेंफोदनिफ्राय आंखौ रैखा खालामनायनि थाखाय बिनि सेराव अरायबो खरगंलायो। बेनि अनागायैबो Behind every successful man there is a woman. बाध्याय सैथौ होनानै आनि बिसिया फोरमान खालामनानै दिन्थदों। मानोना जिउआव देरहासरनायनि मोखां नुगोन होनानै दिनेनि सानाव आंहा फोथायनाय फेदों। आं जिउनिफ्राय बेखौनो सोलंदोंदि मानसिया जिउआव नेमखान्थि मानिना गावनि आर्जिनायखौ नायना बाहायनो नांगौ, गावनि साननो हनाय गोहोखौ खोमानानै लानो नाड, गोगो आखुखौ हमथानानै लाखिनांगौ। जों एरैबादि खामानि मावनाया मोजां नड जाय खामानिनि गेजेरजों जौनि आखुवा सुबुंनि नोजोरारव गाजि होनानै सानजायो। जिउआव गोगोमै देरहानो थाखाय नांगौ जानाय साबिया गावनि आखायावको थायो। खालि रां-खारि बुरजा खामानयो हायोब्लानो मानसिया धोनि जायो, बिदि नड। मानसि सासेनि धोनखौ बयबो बुजिमोनो। नाथाय अरायथा धोननि खेंफोरथिया इसे गुबुन रोखोमनि। बे सोमोन्दे मिथिनो थाखाय सेंप्रा-सिख्लाफोरा Mike Hernacki नि The secret of permanat prosperity बिजाबखौ फरायनाया मोजां होनानै आं सानो।

(1 बिलाइनिफ्राय)

बिजेपिआ बर' माहारिखौ गुलाय-गुजाय खालामनो..

माइथायनिफ्राय बिजेपिआ अस्ट्रीयाताबादिनि मुडव माखासे खैसार खालामनानै थागिबि हारिफोरनि थामोन्था आरो सिनायथिखौ फोजेबखानो अह-रह नाजाबोदों होनानै अजद दैखानों राइजर दलनि गाहाय लिंथुमगिरि दिबस फुकनआ। मख'नो गोनांदि, दिने शनिबारखालि कक्राझार प्रेस क्लबावखुंनाय खौरंगिरि मेलआव गोखोडे बेरफुसाराय विबुंथि होनायजों लोगोसे बिथाड बुंबावोदि, बिजेपिआ बड'फा उपेन्द्रनाथ ब्रह्मनि हाखौ रुवाजों दानानै मानहानि खालामदों। बिजेपिआ रनि बोलो खुंथायनि गोहोखौ लानानै बिटिसिआव मोन 9 मासिआव देरहासरनो हानानै इडपिपिएलजों लोगो लानानै सरकार दानायावबो संबिजित बेरखा खामानि मावदों होनानै अजद दैखानावदों।

फिसाज्जायानो बिफाखौ जिउ फोजोबदों

लोगोसे बिमायाबो गोब्राव जोखोम जानाय जाथाया ओन्सोलाव दुहाव थासारि सोमजिहोदों। सुलुडव फोरमायथिनाय बादिब्ला, दिने फुंबिलिनि 9:00 रिगासो समाव भुटिया सामाताम गामियाव रेजाक आली (45) मुनि सेंप्राया गावनि नख'रनिनो बिफा बोराय हासमत आली (74) खौ गोबौ हाथियारजों सुथारो। मिबथिनो मोननाय बादिब्ला, न'नि उनथिंजाय थायाय बारिनि ओंवा दानायखौ लानानै बिफा-फिसानि गेजेराव दावराव-दावसि सोमजिलायनायाव बे जाथाया सोमजिजियो। अन्थाय बुखुबनानै जिउ खानाया फिसाज्जा रेजाक आलीआ रागा जोंखानानै आखाइयाव लानाय गोबौ सिखाजों बिफानि देहायाव दानला-दानलि दानायनि जाहोनाव हासमत आलीआ जायगायाव जिउ गोमाथो। बेराफासैं बिफा-फिसाज्जालि दावराव-दावसिखौ नुनानै बिमाया बादा होनो फेनायाव बिमानि देहायावबो गोबौ हाथियारआ नांनानै गोब्राव जोखोम जानो गोनां जायो। आथिखालाव जोखोम जानाय बिमाखौ देहा फाहासमालिआव थिसननाय जाबाय। गुबुन फासैंथि मैखारि रेजाक आलीआ खारखोमानो नाजादोंमोनब्लानो राइजो-राजाफोरा हमनानै पुलिसनो गथायहरो।

थुनलाइगिरि प्रदिप कुमार गयारिनि जिउ ...

गावसोरनि दुखु मोननायखौ फोरमायथिहरदों। बर' थुनलाइ आफादआ बिथां गयारिनि जिउमाया जाहाथे सोगोंआव आलो-गोजोने जायगा मोनो बेनि थाखाय अबंलावरिनि खाथियाव आर'ज गाबो।

(1 बिलाइनिफ्राय)

गिबि मन्थि सर्बानन्द सनवालआ नर्थ-इस्ट फेस्टिभेल 2020खौ बेखेवनानै ...

मदिआ सा-सान्जा ओन्सोलाव थायाय बिफां-लाइफां जिब-जुनात बायदिफोरखौ रायखानानै गाहाय मन्थिआ सा-सान्जा ओन्सोलाखौ हादरनि जौगाखानायनि गोदान इन्जिन एबा अस्तलक्ष्मी महेरे गनायथि होबोदों। गिबि समाव सा-सान्जा ओन्सोलनि राइज्योफोरनि गेजेराव थायाय गोहो आरो माखासे दिहुन्नो हनाय हाबाफारिफोरखौ मावफुंनयाय जायाखैमोन होनानै बिथाड मख'यो। गाहाय मन्थि नेरुद मदिआ नर्थ-इस्ट एक्ट पलिसिखौ मावफुंनयनि रहा लामा लानानै खोला सान्जा एसिया हादर एबा बिबिएन हादरफोरजों रांखान्थि, हारिमुफोरखौ सोलाय-सोल' खालामनायनि लामाखौ थियारि खालामनाय होनानै मख'नायजों लोगोसे हादरआव गेदेरथार हाथाइखौ गासैबो बिथिडवको दखल खालामनायनि थाखाय बयबो गोरोबलायनानै खामानि मावनांगोन होनानै गिबि मन्थिआ मख'यो। सोलौंथाय, हारिमु, आबाद, बिगियाय बायदि गासैबो बिथिडवको गुवारैनो सा-सान्जा ओन्सोलाव भारत बर्षनि थाखाय बे हादरफोरा दरख' महेरे सोलायनायनि थाखाय मोनसे गोखों थासारि सोमजिहोबाय होनानैबो बिथाड बुंबावो। बेनि थाखाय गोखौडे खामानि मावनायनि बागै जेबो रहा गैया। सा-सान्जा ओन्सोलनि राइज्योफोरा गावनि गोहो आरो बाउसोमनायफोरखौ आबुडे बाहायनानै न'आव दिहुन्नायफोरखौ बांहोनानै बेनि फासैं आगान सुरलानांगोन होनानैबो गिबि मन्थिआ बुंबावो। गाहाय मन्थि नेरुद मदिआ आबाद खोन्दोआव टेक्नलजौ बाहायनाय, सडल हेल्ड कार्ड, वाटर हेल्ड कार्ड बायदि राहाजों आबाद खोन्दोखौ जौगाखालानायनि थाखाय जैरेबादि नाजाबोदों बेनि थाखाय जाखांबोनाय लाइमोनफोरा आबाद बिथिनि फासैं गोसो बोनो हनायखौ नुनो मोन्दों होनानै मख'यो। दासिमाव राइज्योआव सा 14 आबादारिफोरनो भियेटनामनि आबाद खोन्दोखौ नायगिदियनि बाध्याखौ मख'नानै गिबि मन्थिआ बुडोदि, थांनाय 30 बोसोराव भियेटनामनि आबाद बिगियाय आरो आबादारिफोरनि आबाद दिहुन्थायनि बेसेनआ 36 इउएस बिलियन डलर हरनो हादोंमोन होनानै मख'यो।

उदालगुरि जिल्लायाव सुबुं आरो मैदेरनि गेजेराव दावहाया बांबोगासिनो दड

मोननाय बादिब्ला, उदालगुरि जिल्लानि भेसाव महकुमानि डिमाकुसिनि बेंखनआव थायाय बागानतारि ओन्सोलाव थांनाय बृहस्पतिवारखालि हरनि समाव गामियाव हावफेनानै उतखार खालामनायनि जाहोनाव सुबुंफोरा हालाय-हाफाय जानो गोनां जादों। मिबथिनो मोनबावनाय बादिब्ला, मा 30 सो मैदेर फालोनिफ्राय मासे मैदेरआ आलादायै गामि ओन्सोलाव हावफेनानै हरसेनाडे उन्दुनाय गैयै थासारि सोमजिहोदों होनानै ओन्सोलनि सुबुंफोरा फोरमायथिदों। गामिनि राइजो-राजाफोरा मैदेरखौ खुनुखुमै होखाहरनो हादोंब्लाबो राइजो-राजाफोरनि गोसोआव समखिनाया जोबाखै होनानै मिबथिहोबावदों।

26 आरो 27 डिसेम्बरआव कलाइगाव दख 'रा दुलाराय बर' फरायसा...

आरो गाहाय नेहाथारि पवन बर'आ रादाव बिबुंसरनि गेजेरजों फोरमायथिहरदों। आथिखालाव जथुम्माखौ खुंफुंनो थाखाय लाहार-फाहार खालामगासिनो दड होनानै खुंफुं आफादिनि नेहाथारि प्रदिप कुमार बर'आ मिबथिहोदों। बे जथुम्मानि गेवलां मेलआव साफ्रोमबो राइजो-राजाफोरखौ नुजाफेनानै हेफाजाव होनो थाखाय खावलायहरदों।

बिजेपि दोलोआ 33 मासिआव देरहानानै तिवा काउन्सिलखौ दखल खालामबाय

दोलोआ मोन 2 आरो कंग्रेस दोलोआ मोनसे बियाबआवल्' देरहासरानै गोजोन्नाय लानो गोनां जायो। मख'नो गोनांदि, थांनाय 17 डिसेम्बरआव तिवा अटनमास काउन्सिलनि बिसायख'थिखौ खुंफुंनया जादोंमोन। गुबुन फासैं बिजेपि दोलोआ 33 मासिआव देरहासरानै सरकार दानो थाखाय थियारि जाबाय। बे जाफुंसारनायखौ मिबथिनानै नेरुद मदिआ दुइट खालामदोंदि, आथिखालाव राइजो-राजाफोरा बिजेपिनि नोजोर आरो थांखिखौ मोजां मोनानै आरो फोथायनानै बिजेपि दोलोखौ देरहासार होनाया आसामनि सुबुंफोरनि इयुनआ गोजों लामा आरो दावगासारनाय लामाजों आगार सुरलांसिगोन होनानै मख'दों आरो आसामनि गिबि मन्थि सर्बानन्द सनवाल आरो हिमन्त बिश्व शर्माखौ साबायख'र बाउहरदों। लोगोसेनो आसामनि बिजेपि हान्जानि मावथिफोरखौबो साबायख'र बाउहररो। मख'नो गोनांदि, बिजेपि दोलोआ बिटिसि आरो तिवा अटनमास काउन्सिलखौबो दखल खालामनो हानाया जोबोरैनो मख'जाथाव होनानै नेरुद मदिआ फोरमायथिबावदों। बिथानि अनागायैबो बिजेपिनि आफादगिरि जे पि नाडुयाबो दुइट खालामनानै बुंदोंदि, आसामाव मोननैबो गावखुंथाय परिपदखौ दखलाव लाबोनो हानाया राइजो-राजाफोरनि इयुननि थाखाय जौगाखानायनि लामा दिन्थिगोन होनानै मख'यो।

हिन्दी राव रायज्जायग्रा सुबुंनिफ्राय बि टि सिआव थान्दै थिसनो दाबि

बुंदोंदि, बिटिसिआव सा 6 थान्दै एबा एमसिएएफोरखौ थोंजोडे सायख'नाय जादों। बे सायख'नायाव हिन्दी राव रायज्जायग्रा सुबुंफोरा जायगा मोनो थाखाय दिने आसामनि गिबि मन्थि सर्बानन्द सनवालनोबो गांसे गोसोखां बिलाइ गथायहरदों होनानै फोरमायथिहरदों।

इलेक्टरेल लिटारेसी क्लाबआ नैथि खोलोबनि भट सोनायनि सांग्रांथियारि.

आरआर सेबकता, भिबेक दास, गोजौ थाखोनि सोलौंथाय बिफाननि बिबानगिरिफोरा बाहागो लानानै भुटान सिमनायाव थायाय फरायसालिफोर जेरे-बान्दरगुरि गोजौ फरायसालि, गलमागाव गोजौ फरायसालि, गुरियाझार गोजौ फरायसालि, लक्षिमनाथ बेजबरुवा गोजौ फरायसालि, बामोनजुलि शेखर शंकरदेव गोजौसिन फरायसालि, दिमाकुसि रामस्वरूप आगरवाला मेम'रिएल इलिस स्कुल उदालगुरिफोराव दिनेसिम सांग्रांथियारि हाबाफारिखौ खुंफुंगासिनो दड आरो बे हाबाफारिखौ जानुवारी दानसिमाव गासैबो गोजौ फरायसालिफोर, जुनियर कलेजफोर आरो कलेजफोराव मावफुंनो थांखि लादों।

बे सांग्रांथि होनाय हाबाफारिखौ सामलायग्रा हान्जाया सुनव पातशाला गामि गोथौ जायगायावबो भटारफोरखौ सांग्रांथि होनायनि गेजेरजों नोगोरारिफोरनि मावनांगौ बिबानखौ माबोरै मावनांगौ बेनि सोमोन्दे गेबेडे बेखेवनानै होयो। मख'नो गोनांदि, दिने उदालगुरि जिल्लानि जिल्ला बेंगिरि प्रकाश रन्जन घरपालियाआ बे हाबाफारिजों लोब्हा लाखिनानैनो जायगायावको रन्साय सुजुनाय आरो हरखाव बुंनयाव बादायलायनायखौ बेखेवनानै होयो। रामस्वरूप आगरवाला मेम'रिएल इलिस स्कुल उदालगुरिआव। मख'नो गोनांदि, बिसोर गासैबो हाबाफारिखौनो भारतनि बिसायख'थि आयगनि बिथोन बादिदयै मावफुंनया जादों होनानै फोरमायथिदों।

फकिराग्राम रेलवे जंसनआव राजधानी एक्सप्रेसआव अर खामदों

143116 साखायाव अरआ नांजेन्दोंमोन। अर नांनाय लोगो लोगोनो गोखैनो रेलआव रैखाथिनि रहा लायो। सुलुडव फोरमायथिनाय बादिब्ला, आसामनिफ्राय एनसिसिनि मोनसे हान्जाया फेगौ सुबुंखान्थि सानआव परेड खालामनो थाखाय दिल्ली फासैं थांबाय थादोंमोन। बे अर खामनाय जाथायाव जेबो खहा जायाखै होनानै सुलुडव फोरमायथिदों।

बे अर खामनाय जाथाया मोब्लिब सर्थसाकिट जानायनि थाखाय जादों होनानै सन्देह खालामदोंब्लाबो बेनि गुबै जाहोनाखौ नायबिजिरखानायनि उनावसो मिबथिनो मोनगोन। बे जाथायाव गोबां दावबायारिफोरा खुनुखुमै जिउ रैखाथि मोनो हायो। बबेखानि अरखौ खोमोरखाफिन्नायनि उनाव 11:06 रिगायाव राजधानी एक्सप्रेसआ गोदान दिल्लीफासैं रावना होलांफिनो।

नख 'र मन्थि अमित शाहआ सानैनि हाबाफारिजों सोनाब बंग दावबायफेदों

बादिब्ला एम एल ए बनसरी माइतिआ बि जे पिआव हाबनो हागौ। सासेनि उनाव सासे तृणामुल कंग्रेसनि दैदेनगिरिफोरा बिबान एंगलायनायाव राइज्योनि गिबि मन्थि ममता बेनार्जीनि जिंजा सिनाया बादों। बि जे पिआ सोनाब बंग' बिधान सभा बिसायख'थि 2021 आव देरहानो थाखाय राइज्योयाव गावसोरनि गोहोमखौ गोखों खालामनो नाजादों। दिने हादरनि नख'र मन्थि अमित शाहआ सोनाब बंग'आव दावबायनो कलकातायाव सौहेदों। सोनाब बंग' सरकारनि केबिनेट मन्थिनि बिबान एंगलायनाय तृणामुल कंग्रेसनि गोहोम गोनां दैदेनगिरि शुबेन्दु अधिकारिआ दिने रोजा-रोजा मददगिरिफोरजों लोगोसे बि जे पिआव हाबनो हागौ। शुबेन्दु अधिकारिआ नख'र मन्थि अमित शाहखौ मिदिनापुर रेलियाव लोगो हमनायनि खोथा।

बि पि एफ दोलोआ बेरेखा दोलो महेरे गोखों बिफाव लागोन: प्रबिन बर'

बिफावखौ दाजाबलु आखुजों बाहागो लागोन। बेनि थाखाय दोलोनि देरहासरनाय साफ्रोमबो एमसिएएफोरा मेलेमारि आरो देहायारि महेरे थियारि जाबाय होनानै मिबथिहोबावो। बिथाड फोरमायथिबावोदि, फेगौ रबिबारआव बाक्सा जिल्लानि बरमायाव बिपिपफ दोलोनि सिडब्लिउसि मेलनि गेजेरजों दोलोनि मावनांगौ हाबाफारि आरो आयदाफोरनि सायाव फेगौ समाव माबादि मावलांनगौ बेनि सोमोन्दे सावरायगोन होनानै फोरमायथियो। लोगोसे बिथाड बुंबावोदि, बिपिपफ दोलोआ हाइकर्टआव पिआइएल होनायनि गेजेरजों आथिखालाव बिटिसिआव सरकार दाफुंनया गासैबो आइन बेरेखा आरो भारत संबिजितनि बेरेखा जादों होनानैबो अजद दैखानों। लोगोसे बिथाड बुंबावोदि फेगौ 22 डिसेम्बरआव हाइकर्टआ बेनि सायाव रोखा राय होनायखौ मिबथिनो मोनगोन। बिथाड थोंजोडे आसामनि रांखान्थि बिफाननि मन्थि ७ हिमन्त बिश्व शर्मानि सायाव अजद दैखानानै बुडोदि, बिटिसिनि बारग' सिफ हाग्रामा महिलारिआ लोगो हमाहेंदों होनानै माखासे पर्टेल मिडियाफोराव फोसावनाया नंखाय होनानैबो बुंथिबावो।

पि एम किसाननि 7 थि किस्तीखौ थाबैनो बैंक एकाउन्टफोराव ट्रेन्सफार ...

जागोन। एफटिअनि फुल फर्मआ जादों Fund Transfer order । राइज्यो सरकारनि गेजेरजों मुलाम्फा मोनग्रानि आधार नम्बर, बैंक एकाउन्ट आरो बैंकनि आइ एफ एस चि कडजों लोगोसे गुबुन गुबुन खेंफोरथिखौ नायबिजिरनाय थायो।

इन्टिमेट रमान्टिक सिनफोरा बीजे चित्रानि सुइसाइड जानायनि जाहोन जादों

गोदान दिल्ली, 19 डिसेम्बर : थानाय सानफोराव खौरां फेदोंमोनिदि तामिलनि मुंदोखा फावखुंफि बीजे चित्रा कामराजआ सुइसाइड जाबाय। सुट्टिनिक्राय फैनानै सुइसाइड जाफेनाय चित्राया माखासे सोंथिखौबो सिखांहोदों, जेरै हरखाबै बेबायदि मा जाया जायनि जाहोनाव बियो बे थांखिखौ लादों? बिनि केरियार, नख रनि सुबुंफोरा एबा रांखास्थि महरै मा रोखोमनि जेनाजों भुगिनांदों जायनि थाखाय बियो थैनायखौ सायख'दों?

चित्रा कामराजआ थैनायनि उननिक्राय बिनि रादाय खाखानाय आरो लिबइन पार्टनल हेमनाथआ एखेराहायै शकनि बेखनथायाव थाबाय थादों, मानोना जोबथा हरआव बिनो चित्राजों लोगोसे दडभोन। बेनिखायनो शकनि सायाव बिथा खालामनानै पुलिसआ थानाय माखासे सानफोराव सोंथि सौनायनि उनाव चित्राआ



थैनायनि 6 साननि उनाव चेन्नाइनि जाजेरप्ट पुलिसआ चित्रानि फिसाइ हेमनाथखौ ग्रेप्टार खालामदोंमोन। फासेथिं आधिखालाव मिडिया रिपर्टनि बायदिब्ला. हेमनाथनि ग्रेप्टारनि उनाव जाय सल'आ सोराडाव फेदों, बेयो साफोमखौबो गोमोहोदों।

मख'नो गोनांदि, हेमनाथखौ आइपिसिनि धारा 306 नि गेजेरजों सुइसाइड खालामनो थाखाय नारसिन्नायनि दाय जाबसिनानै

रोखोमनि सिनखौ लानानै सानैबोनि गेजेराव सिगाडावबो दावराव-दावसि जादोंमोन। फासेथिं चित्राया थैनायनि माखासे सम सिगांबो सानैजों दावराव-दावसि जादोंमोन। पुलिस सुलुंनि बायदिब्ला हेमनाथआ सन्देह खालामदोंमोनदि गाव होबथादोंब्लाबो चित्राया बे रोखोमनि फावखौ खालामदों। बे जाहोननि थाखायनो चित्राया सुइसाइड खालामनाय हरावबो सुट्टिनिक्राय फेफेननाय समाव सानैनि गेजेराव दावराव-दावसि जादोंमोन।

धनुषखौ हलिउड प्रजेक्ट 'दा ग्रे मेन' आव नुनो मोनसिगोन

चेन्नाइ, 19 डिसेम्बर : खोला भारतीय सावथुननि फावखुंफुर धनुषआ गावनि हलिउड केरियारखौ जागायसिगोन। धनुषखौ थाबैनो एस्थनि आरो ज रुस'नि सावथुन 'दा ग्रे मेन' आव नुनो मोनसिगोन। नेटफिलक्सआ रिलिज जानो गोनां सावथुन मार्क ग्रीनोआ 10 बोसोर सिगां फेनाय नबेल 'दा ग्रे मेन'नि सायाव बिथा खालामनाय। साउथ इन्डियानि सुपारस्टारआ टुइट खालामनानै गावनो बेनि खौरांखौ होदों।



अरामासआ गाहाय फाव खालामदों। धनुषआ बे सावथुनआव बाहागो लानायनि खौरांखौ नेटफिलक्सआ टुइटरआव होदों। आधिखालाव बिनि फावखौ सोमोन्दो खौरांखौ दासिमबो होनाय जायाखै। धनुषआ अडुकलम

आरो रान्नाणा बायदि हिट सावथुनफोराव फाव खालामखौबाय। माल्टि टेलेन्टड धनुषआ थानाय दानआव गावनि सावथुन 'मारी 2' नि देखो 'राउडि बेवि' खौ रोजावदोंमोन, जायजों 1 आरव भिउज मोन्दोंमोन।

सुशान्त सिं राजपुतखौ गोसोखानानै आकिथा लखन्डेनि मेगनयाव मोदै गर्दों



गोदान दिल्ली, 19 डिसेम्बर : 'जी रिश्ते एवार्ड 2020' आव आंकिता लखन्डेआ गोबां मोजां डान, परफर्मेंस खालामदों। भिडिअयाव गोमो गाबनि सारि गान्नानै आनकिता लखन्डेआ सिरियाल 'पबित्र रिश्ता'नि टाइटेल् ट्रेकआव मोसादों। सशेल मिडियाआव आनकिता लखन्डेनि बे ट्रिब्युटनि भिडिअया भाइरेल जादों। आनकिता लखन्डेखौ अर्चनानि महराव नुनानै फेन्सफोरा आरोबाव खनसे मानबखौ गोसोखानों।

आनकिता लखन्डेआ सुशान्तनो बिबार बावदों, बे समाव सुबुंफोरा दुखु जादों आरो आनकिता नि मेगनयावबो मोदै गर्दों सुशान्त सिं राजपुतनि सोमोन्दै

आनकिता लखन्डेआ बुंदोंदि, जों सानैनि सोमोन्दोया गोथारल'नड अमरबो। जों नोंखौ गोबां गोसोखाडो सुशान्त। आनकिताआ बुंवावदों गाव बे रोखोमनि बाथाखौ सावरायनां गोन होन्नानै माल्लाबाबो सानाखैमोन। फारसेथिं पबित्र रिश्ताआव रुंसारि जानाय फावखुंफुरनि बिमानि फाव खालामनाय माराटो गोरों आरो हिन्दी सावथुननि फावखुंफुरि उपा नाडकर्णीआ बुंदोंदि, गाव दासिमबो सुशान्तखौ गावनि फिसाज्जलानि महराव गोसो खाडो। सुशान्त थैनायनि उननिक्रायनो आनकिता लखन्डेआ एखेराहयै बिनि थाखाय बिजिरनाय मोन्नो दावि दैखानों। आनकिताआ सशेल मिडियानि गेजेरजों

सुशान्तजों सोमोन्दो गोनां बाथाफोरखौ फेन्सफोरजों लोगोसे शेयार खालामबाय थायो।

महाराष्ट्र कंग्रेसआ एनसिबिनि सायाव थांखिदों

गोदान दिल्ली, 19 डिसेम्बर : सावथुन मेकार करण जहरनो एनसिबिआ गांसे नटिस दैथाय हरदोंमोन, जेराव बिनि न'आव थानाय बोसोराव जानाय पार्टिनि खौरांखौ बिनाय जादों। बे पार्टिआव ड्रग्स बाहायनायनि दाय जाबसिन्दों। बे केसआव महाराष्ट्र कंग्रेसआ गिदिर सोंथि सोंनानै बुंदोंदि, एजेन्सिआ थारेनो कंगना रनतखौ सोंथि सोंनो थाखाय मानो लेंहराखै। कंग्रेसनि दैदेनगिरि सचिन साबन्तआ बुंदोंदि, एनसिबिआ करन जहरनो नटिसखौ दैथायहरदों, नाथाय फावखुंफुरि

गाहाम देहानि राहा

बेसरनि थावया देहानि थाखाय मुलाम्फा गोनां

जोंनि गेजेराव बांसि सुबुंफोरानो गावसोरनि जाग्रा आदारखौ संनो थाखाय बेसरनि थावखौ बाहायो। नाथाय माखासे सुबुंफोर बेनि जायगायाव रिफाइन्ड थावखौबो बाहायो। बिसोर रिफाइन्ड थावखौ बेसरनि थावनिखुइ बांसि लाइट होन्नानै गनायो। नाथाय बेयो नंखाय। मानोना बेसरनि थावया जोंनि देहानि थाखाय मुलाम्फा गोनां। आयुर्वेदिकआव बेखौ मुलि महरै बाहायनाय जायो। आं दिने नोंथांमोननो बेनि मुलाम्फानि सोमोन्दै फोरमायगोन-



(1) जाय सुबुंफोर जानो लोंनो गोसो जाया, बिसोर जाग्रा आदार बानायनायाव बेसरनि थावखौ बाहायनो हागोन। बेयो नोंथांनि थाखाय मुलाम्फा गोनां जागोन। मानोना बे थावया उदैयाव एपिटाइजर महरै खामानि मावयो, जायजों उखैनाया बारायो। (2) बेसरनि थावयाव थानाय भिटामिन बायदि थियामाइनस फ्लेट आरो नियासिनआ देहानि मेटावाल्जिमखौ बारायहोयो आरो जायजों लिटरथाइखौ बाडाइ खालामनायाव मदत मोनो। (3) बेसरनि थावया बिगुरनि

थाखाय मुलाम्फा गोनां। बेयाव थोजासे बिबांनि भिटामिन इ मोन्नाय जायो। बेखौ जानायजों बिगुरआ मोजां गुन मोन्नायजों लोगोसे बेखौ मोखाडाव फुनोब्ला बिगुरा गोजोंबो जायो। (4) बेसरनि पाउदार जोंनि स्किनखौ ग्लडे खालामो। बेखौ जर'खायै गुसु बोथोराव मोखाडाव फुन्नायजों जोंनि स्किनआ थोजासे गुन मोनो। बेनि अनगायै बेसन, दही आरो हाल्दैजों लोगोसे बेसरनि थावखौ लगायनानै फुनोब्ला बिगुरा साफा जानायजों लोगोसे गुरे आरो गोजों जायो। (5) बेसरनि दावआ देहानि बेमार होबथानो हानाय गोहोखौ बारायहोनायाव खामानियाव होयो। देहानि लोरबांथिखौ जानगार खालामनो थाखाय बेसरनि थावखौ नेम बायदिये

इउटुबार केरी मिनाटीआ बलिउडआव आगान खालामसिगोन

गोदान दिल्ली, 19 डिसेम्बर : इउटुबार केरी मिनाटीआ जोहोलाव अमिताभ बच्चन आरो अजय देबगननि सावथुन 'भेडे'नि गेजेरजों बलिउडआ आगान खालामसिगोन। सावथुनआव बियो ससेल मिडिया सेन्सेसननि फाव खालामगोन। केरीनि थार मुड जादों अजय नागर।

गावनि बलिउड आगानखौ लानानै केरी मिनाटीआ बुंदों, सावथुन मुलुगनि मोजां फावगिरिफोरजों फाव खालामगोनखौ लानानै आबुडै रमान्टिक जादों आरो गोसो होसारनानै बे ब्रान्ड निउ एडभेन्सरनि बाहागो जानो थाखाय उसुखु जादों। बेनि सिगांबो गाव माखासे सावथुनफोराव अफार मोन्दोंमोन, नाथाय गाव बे बिथांखिनि बाहागो जानो



थाखाय गनायदों, मानोना बेवहाय गावनो फाव खालामगोन, जेरै गाव मोगथाडारि जिउआव थानानै थायो। गाव दासिमबो गोसोआव दडडि गावनि बिमा-बिफाया सानो मोनदि गाव देरनानै सासे गिदिर

फावखुंफुर जागोन। मख'नो गोनांदि, सावथुनआव रकुल प्रीत सिं, अनिरा धर आरो आकांक्षा सिंआबो गाहाय फाव खालामगोन। सावथुनआ 29 एप्रिल 2020 आव रिलिज जागोन।

निखिल डिजुजा आरो निकितानि 'तुम और मैं' देखोआ दोहौ सोमजि होदों



गोदान दिल्ली, 19 डिसेम्बर : देखोगिरि निखिल डिजुजा आरो निकितानि देखौ 'तुम और मैं' आव लोगोसे नुनो मोन्दों, जाय मोजां मोनलायायनि इयुनि मुलुगआव बानायनाय। गोदान देखोखौ निकिता आरो कुनाल बर्मानि गेजेरजों लिटरनाय, निकिता आरो मुकुन्द कन्दुरीनि गेजेरजों सुजुनाय देखोआ मोजां मोनलायनायनि सायाव बिथा खालामनाय।

बे मिडजिक भिडियआ इयुनआव भारतआव बिथा खालामनाय जेराव डिजिटेलनि गेजेरजों मोजां मोन्नायनाया गोखों जायो। निकिताया बुंदों 'तुम और मैं' आ मोनसे औरैबायदि देखो जाय मोजां मोन्नायनि आधिखौ फोरमायो। मोजां मोनलायनायनि साहसआ मोनसे मोजां गोदान मुलुगआव लाडो आरो गावसोर बेखौ फोरमायनो नाजादों।

कंग्रेस दोलोआ फेगौ बिधान सभा बिसायख 'थिनि थाखाय आसाम आरो केरेलायाव गोदाने नेहाथारि थिसन्दों

गोदान दिल्ली, 19 डिसेम्बर : कंग्रेस दोलोआ आसाम आरो केरेला बिधान सभा बिसायख 'थिखौ नोजोर होनानै दिने शनिबाराव दरनैबो इज्योनि थाखाय सा 3-3 नेहाथारि थिसन्नो आरो गाहाय नेहाथारिआ बिसोर साथामखौ गोखौडै हेफाजाब होगोन होन्नानै सुलुडव फोरमायथिदों। दोलोनि गाहाय नेहाथारि केसि बिनुगपालआ बुथिनाय बायदिब्ला कंग्रेसनि आफादगिरि सनिना गान्धीआ फेगौ बिधान सभा बिसायख 'थिखौ नोजोर होनानै हरखाबै बे थांखिखौ लादों होन्नानै मिथिहोदों। फोरमायथिनाय बायदिब्ला अनिरुद्ध सिं, निकास कुमार उपाध्याय आरो पुंथिवराज सातेमोनखौ आसामनि थाखाय अल इन्डिया कंग्रेस कमिटीनि नेहाथारि महरै थिसनो। बिसोर साथामबो आसामनि गाहाय नेहाथारि जितेन्द्र सिंखौ हेफाजाब होगोन। बिसोरनि अनगायैबो हरिपाल राउट आरो सन्जय चौधुरि मोनखौ आसामनि नांजावफा नेहाथारि महरै फेगौ बिधान सभा बिसायख 'थिनाय गोखौ बिफाव लानो बिबान होदों। गुबुन फारसेथिं केरेलानि थाखाय पि.बिस्वनाथन, इवान दिजुजा आरो पि बि महनमोनखौ नेहाथारि महरै थिसन्नायजों लोगोसे कंग्रेसनि गाहाय नेहाथारि आरो इज्योनि दैदेनगिरि तारिक आनवारमोनजों लोगोसे बिसायख 'थिनाय गोखौडै बिफाव लानानै बिसायख 'थिनि खामानि मावनो बिबान होदों। आसाम आरो केरेलायाव फेगौ 2021 नि एप्रिल आरो मे दानाव बिधान सभानि बिसायख 'थि खुंनाय जागोन। बे दरनै इज्योयाव कंग्रेसआ गोखौडै जुजिगोन।

खाप पन्सायतआव आबादरिनि धर्ना होनायखौ हेफाजाब होदों



गोदान दिल्ली, 19 डिसेम्बर : हादतनि राजथावनि दिल्लीनि सिमनायाव आबादारिफोरनि धर्ना होनायनि दिनें 24 थि सान। मिरु सरकारनि गेजेरजों खनले खनले बुजायबलाबो आबादारिफोरा दिल्ली सिमनानिफ्राय जानगर जानो थियारि जायाखै। गुसु बोथोर जादोंबलाबो आबादारिफोरा दिल्लीनि सिमनायाव थुबुर जादों। बेनि गेजेराव खाप पन्सायतफोराबो आबादारिनि धर्ना होनायखौ हेफाजाब होनाने मिरु सरकारनि हेंथायै धर्ना होदों। खाप पन्सायतफोरा दिनें दिल्ली-सहारनपुर हाइवेखौ जाम खालामगोन गुबुन फार्सेथिजाय आबादारि धर्ना होग्राफोरखौ सरकारनि गेजेरजों गंगलाय होनो नाजानाय जादों।

बेनि गेजेराव थानाय शनिबाराव गाहाय मन्थ्र नरेन्द्र मदिआ मिरु सरकारनि बुकलेटखौ गावनि टुइटर हेन्डेलनि गेजेरजों सेयार खालामदों। गाहाय मन्थ्र मदिआ टुइटर खालामनानै लिरदों ग्राफिक्स आरो बुकलेटजों लोगोसे माखासे नेम-खास्थिबो दं, जाय गुवारै फोरमायोदि, आबाद आयेना माबादियै आबादारिफोरखौ मटत खालामगोन। बेखौ नम' एप भलन्टियार मडइउलनि वाइस आरो डाउनलड सेक्सनयाव मोन्नो हागोन। बेखौ फराय आरो सेयार खालाम। मिरु आबाद मन्थ्र नरेन्द्र सिं तमारयाबो धर्ना होनाय आबादारिफोरखौ बुजायनो नाजादों। आबाद मन्थ्रआ बुंदों सरकारआ आबादारिफोरजों सावरायनो थाखाय जेबलाबो थियारि जादों।

आफगानिस्ताननि गजनीआव बमा बेरफ्रुनाय जाथायाव सा 15 गथ 'साफोरनि जिउ ख'हा, सा 20 जोखोम

काबुल, 19 डिसेम्बर: सान्जा पाकिस्ताननि गजनी ओन्सोलआव थानाय शुरुबाराव गंसे रिक्सायाव दोनखोमानाय बमाया बेरफ्रुनाय जाथायाव गासै सा 11 गथ 'साफोरा जिउ गोमानायनि अनगायैबो सा 20 सुबुंफोरा गोब्राबै जोखोम जादोंमोन। गजनी ओन्सोलनि खुंगिरिनि बुंथिगिरि बुहिदुल्ला जमाजादाया बुंथिनाय बायदिल्ला बे जाथाया सान्जौफुनि समाव गिलान जिल्लायाव जादोंमोन। बे बमा बेरफ्रुनाया जैरेबायदि समाव जादोंमोन जेबला मथर आरो रिक्सायाव मुवा बेसाद दैबायनानै फान्तो थाखाय गामि फारसे थानाय समावनो हरखाबै गथ 'साफोरा बेखन्नायावनो



बमाया बेरफ्रुदोंमोन। सुलुडाव बेरफ्रुहोनाय जाथायाव मोनसेबो आफादआनो सिमान जायाखै। बुंथिगिरिया बुं'बावनाय बायदिल्ला जाथायनि सायाव नायबिजरासासिनो दं होनाने फोरमायथिदों। 20 बोसोर बारलानाय दावहाया जोबखानायनि उनाव काटराव आफगानिस्तान सरकार आरो उतरखारि तालिबाननि

सावरायनाय फोरजों सावरायसेयावबो बोहैथि दानाव हिंसायारि जाथायखौ नुनो मोन्दों। बे जाथाया एरैबायदि समाव जादों जेबला आमेरिकानि जइट चिफ अफ स्टाफ जेनेरेल मार्क मिलेआ थानाय मंगलबाराव दहायाव तालिबाननि दैदेनगिरिफोरजों सावरायलायनायनि थाखाय जथुमनो आमेरिका आरो तालिबाननि गेजेराव गोरोबथानि गेजेरजों सान्थ्रि हान्जाफोरनि सायाव सावरायलायनाय जादोंमोन। बे सावरायलायनायनि थांखिआ तालिबान आरो आफगानिस्तान सरकारनि गेजेराव थोंजोडै गोजोन सावरायनायनि थाखाय खालामनाय जादोंमोन।

बिसिखौ बिदाय खालामैनि बिहाव आरो बिबोनानि सायाव हाथियारजों गाग्लोबदों

सुलतानपुर, 19 डिसेम्बर: इउपनि सुलतानपुरनि कुरेभार ओन्सोलआव बिहाव बिखुनजोनि न'निफ्राय बिसिखौ बिदाय खालामैनि फिसायआ गिखंथाव थांखि लायो। बियो बिसि, बिहाव आरो बिबोनानि सायाव गिखंथाव हाथियारजों गाग्लोबनानै थै गहोजोबबाय। जाथाय जानाय जायगायाव सौहैनानै खाथि-खालामानि सुबुंफोरा फिसायखौ हमनानै आर्थिआव खानानै बुनायनि उनाव पुलिसनो खौरं हरो। पुलिसआ फोरमायनाय बायदिल्ला, गाग्लोबग्रा सुबुंखौ ग्रेप्टार खालामनानै गोबौ दाबा सुरिखौ नागिरनानै दिहुनो। आर्थिखालाव जोखोम जाग्राफोरखौ देहा फाहामसालियाव थिसन्याय जाबाय आरो जोखोम जाग्राफोरनि थासासिखौ गिनांगौ गैया।



प्रजापतिनि फिसाजो अनीता प्रजापतिनि हाबाया बोसोखेनि सिगां जादोंमोन। बेनि जाडनाव शनिबार फु डाव मुके श प्रजापतिआ गावनि बिसिखौ लांफे नो थाखाय गावनि बिहाव-बिखुनजोनि न'याव फे दों मोन, जाय बोसोखेनिफ्रायनो बिमा-बिफानि न'याव थाबोगासिनो दडा। बेयाव फैनायाव माबेबा बाथ्रानि सायाव दावराव-दावसि जागायो। बेयावनो मुकेशआ गोबौ दाबा सुरिजों गावनि बिसिनि आगदा आखाय बिहावनि खर', बिबोनानं मनीषा आरो नख'रनि गुबुन सुबुंफोरनि सायाव गाग्लोबो। उनाव पुलिसआ जाथाय जानाय जायगायाव सौहैनानै बिखौ ग्रेप्टार

जयपुर, 19 डिसेम्बर : बास सालायग्राफोरनि सांग्राथि गैथेनि जाहोनाव जाब्रबथाय जाथाय जानायखौ नोजोर होनाने राजस्थान रडवेजआ जिपिएस सिस्टेमखौ जागाय जेनबाय। सम सम नुनो मोन्नाय जायोदि बास सालायग्राफोरनि सांग्राथि गोथैनि जाहोनाव दावबायारिफोरनि रैखाथिया खैफोदयाव गोग्लैयो। बे गासिखौबो नोजोर होनाने राजस्थान रडवेजआ दावबायारिफोरनि रैखाथि आरो बासफोरखौ नोजोर होनो

थाखाय जिपिएस सिस्टेमखौ जागायजेदों। बेजों राइज्योनि 3 हजार रडवेज बासफोरखौ ट्रेकिं खालामनो हागोन। बेनि थाखाय राजस्थान रडवेजआ राइज्यो सरकारनि गेजेरजों मिनिस्ट्रि अफ रड ट्रांसपोर्ट हाइवेनो 16 कौटि रानि डिपिआर बानायनानै दैथाय हरनाय जादों। निर्भया फान्डजों रडवेज बासफोराव बे सिस्टेमखौ लागायनाय जागोन। बेवहाय 9 कौटि रानि MORTH (मर्थ) आरो आद्रा रांखौ रडवेजनिफ्राय



बाहायनाय जागोन। सिस्टेमखौ लागायनाय जादों। रडवेजयाव थाफादेरनाय 875 बेनि मनिट रिं खौ बासफोराव जिपिएस रडवेजनिफ्राय खालामनाय जादों। आइटि सेलनिफ्राय बेनि दावबायनाय आरो गोखैथिखौ नोजोर लाखिनाय जागोन।

जापानआव गोबां बरफ गोग्लैदों



सिखवबो थानानै हरखौ हगार हरनदों। जापाननि माखासे बाहागोयाव नै खावसे साननिफ्रायनो बरफआ गोग्लैदों। बरफआ गोग्लैबाय थानायनि जाहोनाव लामायाव 6 फुटनिफ्राय

गोग्लैगोनखौ फोरमाय खदोंमोन। नाथाय थेवबो बेबादि जेनाया नुजाथिदों। सा आरो सोनाब जापानआ गोबां बरफ गोग्लैनायनि जाहोनाव सुबुंफोरा जेनायाव गोग्लैनांदों। बेवहाय 10 रोजानिफ्राय बांसिन न'फोरनि मोब्लिब गोहोया गैथै जादों आरो सुबुंफोरा खोमसियावनो न'आव थानानै समायकौ हगार नांदों गुबुन फार्सेथिजाय रजथावनि टकिग्यखौ

गुबुन सहरजों सरजाबग्रा एक्सप्रेसवेखौ बरफ गोग्लैनायनि जाहोनाव बन्द खालाम नांदों। बोथोर बिफानआ लामायाव बरफया लाथा खानानै थानाय आरो बरफनि दामोल गोग्लैनायनि सोमोन्दै गिबियावनो सांग्राथि होदोंमोन। आर्थिखालाव गोदान लामाफोर आरो रिहाय होनायखौ लानानैबो आपडेट खालामनाय जादों।

आमेरिकाया फाइजारनि उनाव मर्डनानि करना भेक्सिनखौ गनायथि होबाय

वासिंटन, 19 डिसेम्बर : आमेरिकायाव करना भाइरासनि हें थायै टिका टुनाया जागायनायनि माखासे समनि उनाव थानाय शुरुबाराखालि हादतगिरि डनाल्ड ट्रम्पआ बुडोदि, मर्डनानि गेजेरजों बानायनाय कभिड-19 टिकाखौ गनायथि होनाय जाबाय आरो थाबैनो बेखौ गुबुन हादतफोराव फान्नाया जागायसिगोन। आर्थिखालाव बे थांखिखौ लानानै आमेरिकानि आदार आरो मुलि फसंथान (एफडिए) नि फारसेनिफ्राय बिबुंथि फोसावयाखै। बिथाडा गावनि टवीटआव करनाखौ चीननि भाइरास होना फोरमायबावनानै बुडोदि, बे भाइरासजों गोहोम गोग्लैनाय मुलुगनि गुबुन बाहागोफोराव बे भेक्सिनखौ थाबैनो सौहै होसिगोन। चीननि भाइरासआ इडर'प आरो मुलुगनि गुबुन बाहागोफोरखौ गाजियै गोहोम खोख्लैदों,



जर 'खायै जार्मानो, फ्रान्स, स्पेन आरो इटालीयाव होनाने ट्रम्पआ बुंदों। मु लु ग य ा व फोरमायनाय बाइदिल्ला, एफडिएनि बोसोनगिरि कमितिआ मर्डनानि गेजेरजों दिहुन्नाय कभिड-19 टिकाखौ इमारजेन्सियै बाहायनो गनायथि होबाय। बिगियानगिरि आरो सुबुं सावसि जर 'खाफोरनि एफडिएनि भेक्सिन एन्ड

रिलेटड बायलजिकेल प्रडाक्टस एडभाइजारी कमितिआ थानाय बृहस्पतिबाराखालि मोनसे जथुमायाव मर्डनानि कभिड-19 टिका, एमआइएनए-1283

खौ इमारजेन्सियै बाहायनो आर'ज गाबनायनि सायाव मदत खालामो। आदार आरो मुलि बिफाननि बुंथिगिरि स्टीफन हानआ बुडोदि, मर्डनानि

कभिड-19 टिकाखौ लानानै बोसोनगिरिफोरनि कमितिनि जथुमानिफ्राय ओंखारनानै अनुरुप एफडिएआ कम्पानोनी खौरां होयोदि, टिकाखौ इमारजेन्सियै बाहायनो थाखाय गनायथि होनायनि सोमोन्दै सिगांनि हाबाफारिया थाबैनो आबुं जासिगोन। एफडिएआ सप्ताहसे सिगां आमेरिकानि मुलि कम्पानो फाइजार आरो बिसोरनि जार्माननि हेफाजाबगिरि बायेनटेकनि गेजेरजों दिहुन्नाय कभिड-19 नि टिकाखौ इमारजेन्सियै बाहायनायनि गनायथिखौ 12 डिसेम्बराव होदोंमोन।

करना भेक्सिनआ सुबंफोरखौ गोलेर खालामनो हागौ, आइजोफोरनाव दारि रज'नो हागौ: ब्राजिलनि हादतगिरि

ब्राजिलिया, 19 डिसेम्बर : ब्राजिलनि हादतगिरि आया बल्सनआ करना भाइरासनि भेक्सिनखौ लानानै नोजोर खोख्लैदों। बिथाडा बुनाय बायदिल्ला, फाइजार आरो बायएनटेकनि बानायनाय भेक्सिना सुबुंफोरखौ गोलेर बानायनो हागौ एबा बेनि गोहोम गोग्लैनायाव आइजोफोरनाव दारि रज'नो हागौ। मख'नो गोनांदि, जागायजेन्नायावनो ब्राजिलनि हादतगिरिया करना भाइरासखौ लानानै सन्देह खालामनायाव थासासि दिन्थिदों। बिथाडा थानाय बोसोराव बे भाइरासखौ सरासन्धा फ्लु होनाने फोरमायदोंमोन। हादतआव टिका हुनायआ जागायसेयावबो बियो करना भाइरासनि टिकाखौ दुहोया बुंदों। बेनि गेजेरजों बल्सनआ थानाय बृहस्पतिबारा खालि बुडो, फाइजारनि कन्ट्रेक्टआव रोखा रोखा लिरनाय दड्दि, जायखि जाया साइड इफेक्सनि थाखाय



बिसोरहा जेबो दाय थानाय नडा। अदेबानि बे भेक्सिनजों जुदि नोंथाडा गोलेर जायोबला बेयो नोंथानि जेना।

बेखानि भेक्सिन बानायग्रा कम्पानोफोरखौ लानानै बल्सनआ बुं'बावदों, जुदि नोंथाडा सुपरहयुमेन जायो, जुदि सासे आइजोनाव दारि रज'यो एबा सोरबा हौवानि गाराडै हिन्जावफोरनि बायदि जायोबलाबो बिसोरहा बेजों जेबो सोमोन्दो थानाय नडा।

बिथाडा बुनाय बाइदिल्ला, बे भेक्सिनखौ ब्राजिलनि रेग्युलेटरी एजेन्सिनिफ्राय गनायथि मोनानै बेयो बयनिबो थाखाय ओंखारबलाबो आं बे टिकाखौ शुजानाय नडा। सुलुडाव फोरमायनाय बाइदिल्ला ब्राजिलाव दासिमाव करना भाइरासनि 71 लाखनिखुइ बांसिन केस नुजाथि खांबाय आरो बिसोरनि गेजेराव 1 लाख 85 रोजानिखुइ बांसिन सुबुंफोरा थैलांबाय।

ला-लीगानि मेचआव एटलिटिक बिलबाव क्लाबआ 2-0 गलयाव हुइसा क्लाबखौ फेजेन्दी

स्पेइन, 19 डिसेम्बर: बोसोरनि ला-लीगा फुटबल लीग बादायलायनाया दासान्दि स्पेइननि गुबुन गुबुन स्टेडियमआव सोलियासिनो दं। ला-लीगानि गेलेनाय मेचफोरा दासान्दि हान्जाफोरनि गेजेराव सोलियासिनो थानायजौं थानाय हरनि समाव मोनसे मेचखौ एटलिटिक बिलबाव क्लाब आरो हुइसा क्लाबनि गेजेराव गेलेयो। बे गेलेनाय मेचनि फिथाइ बायदिये एटलिटिक बिलबाव क्लाबआ 2-0 गलाव हुइसा क्लाबनि हेंथायै देरहानो हायो। बे गेलेनाय मेचखौ देरहानो हानायजौं बिलबाव क्लाबआ पइन्टनि फारिलाइयाव आवगयनो हायो आरो फेगौ मेचफोरखौ देरहानो हाबावोक्ला हान्जाया गोजौ सारियाव सहैनायनि मिजिं दं। गेलेनायनि सिगां समनिफ्रायनो मोनैबो हान्जाया गेजेराव गोखौ गेलेनायखौ नुनो मोन्दीमोन।



बेनि उनाव खाबु मोन्नायजौं बिलबाव क्लाबनि गेलेगिरिया 86 मिनटआव जोसन्तो हायो। बे गलखौ केन कद्र आ जोसन्तो हादौमोन। फारसेथिं बिन जोबथा समाव हान्जानि गुबुन सासे गेलेगिरिया हेडिंनि हेफाजाबजौं गलखौ होनो हाबावो। बेनि उनाव हुइसा क्लाबा गोबां गल होनो

नाजासेयावबो फेलें जानानै जोबनायाव बे गेलेनाय मेचखौ जेन्तो गोनां जायो। बेनि सिगां गेलेनाय थानाय सप्ताहनि कपा डेल रेनि मेचखौ हुइसा क्लाबआ देरहानो हादौमोन। नाथाय थानाय हरनि समाव गेलेनाय ला-लीगानि मेचखौ गोबां नाजाथाबनानै गेलेनायावबो जेन्तो गोनां

जायो। हान्जाया मेचखौ गोब्राबजौं देरहानो हानायव गोजेन्नाय फोरमायो आरो फेगौ मेचखौ देरहानो थानाय लाबावदौं। गेलेनाय समाव मोनैबो हान्जाया गल होनो नाजानायजौं गोबां मोगा-मोगि जुजिलायनायनि गेलेनायखौ बे मेचआव नुनो मोन्दीमोन। जोबथायाव एटलिटिक बिलबाव क्लाबआ मेचखौ देरहानो हायो।

महाम्मद वासिम पाकिस्ताननि चिफ सेलेक्टर बिबानखौ 2023 वर्ल्ड कापसिम सामलायगोन

कारासि, 19 डिसेम्बर: पाकिस्तान क्रिकेट बोर्डआ थानाय लादौंदि, आगुनि टेस्ट क्रिकेट गेलेगिरि महाम्मद वासिमआ पाकिस्तान क्रिकेट बोर्डनि चिफ सेलेक्टर महैर बिबानाव थिसनजाबाय। मख'नो गोनांदि, मिसबा उल हकआ बे मासिखौ सामलायनायनि उनाव बेनि माव बिबाना जोबनाय लोगो लोगो वासिमखौ थिसननाय जायो आरो चिफ सेलेक्टर महैर बे बिबानखौ फेगौ 2023 नि वर्ल्ड कापसिम सामलायबाय थागोन। पाकिस्तान क्रिकेट बोर्डनि बिबानगिरि सुलुड मिथिहोनाय बायदिव्ला मिसबा उल हकआ थानाय दानाव गावनि माव बिबानखौ मोजाडै सामलायै आरो नेमखांनिथखौ सिफायनायनि दायव बिखौ बिबाननिफ्राय रंगहोनाय जायो आरो थौंजोडै वासिमखौ थिसननाय जादौं। पाकिस्तान



बोर्डआ वासिमनि दैदेनायाव हादतनि क्रिकेट गेलेनायखौ जौगाखानो हागोन होन्नानै मिजिंथियो। लोगोसे बिन दैदेनायाव पाकिस्ताननि लाइमोन गेलेगिरिफोरा मोजां खाबु मोनगोन होन्नानैबो बुडो। फारसेथिं फेगौ दाननिफ्राय खोला आफ्रिकानि हेंथायै गेलेनो गोनां क्रिकेट सिरिजनि थाखाय पाकिस्तान हान्जायाव गेलेगिरिफोरखौ

सायख'गोन महाम्मद वासिमआ। लोगोसे गावनि गोजौ माननि बिबानाव थिसन जानायखौ वासिमआ गोजेन्नाय फोरमायनायनै गावनि माव बिबानखौ बोर्डनि नेमखांनिथ बायदियै सामलायलांगोन होन्ना बाथा होयो। वासिमआ बुंवावोदि, पाकिस्तानआव गोबां रंगौथि गोनां लाइमोन गेलेगिरिफोर दड।

लन्डन, 19 डिसेम्बर: टेनिसनि गेलेनाय जारिमिनाव दासिम रजार पेडरार, राफेल नाडाल आरो नबाक जकबिसनि मुडा सिगाडव जायगा लानानै दं। थानाय माखासे जौथायनिफ्रायनो बिसोर सा 3 गेलेगिरिनि गेजेराव गोबां जुजिलाइनायनि गेलेबोनायखौ नुनो मोनबोदौं। थानाय 2011 निफ्राय 2020 माइथायसिमनि गेजेराव बिसोर सा 3 टेनिस गेलेगिरिनि गेलेनाया बयनिखुइबो साबसिन गेलेनाय आरो बादायलायनाय जानायखौ नुनो मोन्दीं। नाथाय 2001 निफ्राय 2010 सिमनि गेजेराव गेलेनाय बोसोराव सुइजारलेन्डनि गेदेमा रजार पेडरार आरो स्पेइन राफेल नाडालनि गेजेराव जोबोद गोखौ गेलेनायखौ नुनो मोनबोदौं। बिसोर सासैनि गेलेनाया बे समाव बैसोनि बाबेनायजौं

अलिम्पिकनि थाखाय 9 दाननि उनाव गावनि गेलेनायखौ जागायजेनफिन्दीं पि भि सिन्धुआ

गोदान दिल्ली, 19 डिसेम्बर: अलिम्पिक गेम्सयाव रुपानि मेडल देरहानाय हादतनि सेथि आइजो बेडमेन्टन गेलेगिरि आइजो पि भि सिन्धुआ गावनि गेलेनायखौ थानाय 9 दाननि उनाव लाबोफिन्दीं थियारि जादौं। मिथिनाय बायदिव्ला जापाननि राजथावनि टकिय सहराव फेगौ बोसोराव खुंनो लानाय अलिम्पिक गेम्सनि थाखाय फेगौ बोसोराव खुंनो लानाय अलिम्पिक गेम्सनि बोसोरनि गिबि वर्ल्ड टुर फाइनालनि सिगां एसियाव अवेनाव बाहागो लागोन। एसियाव अवेननि गेलेनाया फेगौ बोसोरनि 12 निफ्राय 17 जानुवारीसिम खुंजागोन। बेनि उनावनो तयथ थाइलेन्ड अवेननि गेलेनाया 19 निफ्राय 24 जानुवारीसिम खुंजागोन। पि भि सिन्धुआ बेनि सिगां बे सोलिफु



बोसोरनि थानाय मार्च दानाव इलेन्ड अवेनआव जोबथा गेलेदौंमोन। बेनि उनावनो कभिड-19 नि थाखाय गावनि बेडमेन्टन गेलेनायखौ फारियै दोन्थयो। अदेबानि थानाय 9 दाननि उनाव गावनि गेलेनायखौ लाबोफिन्दीं सिन्धुआ बे समाव थियारि जादौं। वर्ल्ड सेम्पियन जानाय पि भि सिन्धुआ फेगौ

समनि अलिम्पिक गेम्सनि अनगायैबो माखासे बेडमेन्टन बादायलायनायव बाहागो लानो थानाय लाबावदौं। दासान्दि भारतनि माखासे गेलेगिरिफोरबो गाव-गावनि बेडमेन्टन गेलेनायखौ थानाय गोलाव दाननि उनाव लाबोफिन्दीं थियारि जादौं। गुबुन फारसेथिं साइआ पि भि सिन्धुजौं लोगोसे

हादतनि माखासे गेलेगिरिफोरनि देहा फिटनेस आन्जाद लानो थांखि लादौं। साइआ बे हाबाफारिनि थाखाय गासै 8.25 लाख रं बाहायनो गनायथि होनाय जाबाय। गोबां गेलेगिरिफोरा गाव-गावनि गेलेनायखौ लाबोफिन्दीं थियारि जानायाव गोजोन्नायबो फोरमायदौं।

2027 नि ए एफसि एसियाव कापखौ भारतआव खुंनो लानाया जोबोद गोजोन्थाव: सुनिल सेत्रि

गोदान दिल्ली, 19 डिसेम्बर: एसियाव हादतफोरनि गुबुन मोनसे देरसिन फुटबल बादायलायनाय ए एफ सि एसियाव कापनि खुंनो हादतफोरखौ थानाय माखासे साननि सिगांनो फोसावखानाय जादौं एसियाव हादतमानि फुटबल आफादआ। आफादनि फोसावनाय बायदियै फेगौ 2027 नि ए एफ सि एसियाव कापनि गेलेनायखौ भारत हादतआव खुंनो लानाय गिदिर फुटबल बादायलायनायनि सायाव अल इन्डिया फुटबल फेडरेशनआ मैया फोसावना होयो। फेडरेशननि फोसावना होनाय थांखिबौ बरायनानै भारतनि फुटबल हान्जानि केप्टेन सुनिल सेत्रिआ बुडोदि, 2027 नि ए एफ सि एसियाव कापखौ हादतनि गेलेग्रा फोथराव खुंनो लानाया गोजोन्थाव। बे कापनि गेजेरजौं हादतनि इयुनजोलै लाइमोन



गेलेगिरिफोरनि गेलेनायखौ आरोबाव साबसिन आरो गोखौंसिन खालामनो हागोन। मख'नो गोनांदि, भारत हादतयाव दासिम मोनै एसियाव कापखौ खुंखांबाय। थानाय 2011 आरो 2019 बे मोनै बोसोराव भारतआ एसियाव कापनि गेलेनायखौ गाहामै खुंनो हानायनि उनावनो फेगौ 2027 नि एसियाव कापनि

गेलेनायखौ फिन भारतआव खुंफिन्दीं थांखि लादौं। केप्टेन सुनिल सेत्रिआ फेगौ बोसोराव खुंनो लानाय बे एसियाव कापआव गोखौंसिन गेलेनो हागोनखौ मिजिंथि लाखियो। हादतआव दासान्दि फुटबलनि फारसे गोसो जानाय नायग्रा अन्सायारिफोरनि अन्जिमायाबो सिगांनिखुइ गोबांसिन जाबाय। मख'नो गोनांदि, मोनसेनि उनाव

गुबुन मोनसे गिदिर गिदिर फुटबल गेलेमुनि बादायलायनायखौ खुंनो थांखि लानायनि गेजेरावनो फेगौ 2022 माइथायाव आइजोफोरनि फिफा आन्डर-17 वर्ल्ड कापखौ खुंनो थांखि लादौं। बेनि सिगां 2017 माइथायाव हौवाफोरनि फिफा आन्डर-17 वर्ल्ड कापखौ भारतआव खुंखांबाय। बेबायदिनो भारतआ माखासे गिदिर फुटबल बादायलायनायखौ फेगौ समाव खुंनो खाबु मोन्नाया इयुन जोले गेलेगिरिफोरनि थाखाय मुलाम्फायारि जागोन। सुनिल सेत्रिआ एसिया हादतनि गेजेराव खुंनाय एसियाव कापखौ भारतनि थाखाय मोनसे मोजांसिन फुटबल बादायलायनाय होन्नानै फोरमायबावो। लोगोसेयेनो गावनि गोलाव सम भारतनि हान्जायाव गेलेनो मोन्नाय आरो हान्जा दैदेनो मोन्नायखौ सुनिल सेत्रिआ जोबोद गोजोन्नाय फोरमायदौं।

नबाक जकबिसआ गोलाव बोसोर मुलुगनां रेंकिंयाव सेथि गेलेगिरि महैर जानो हानाया रेकर्ड जादौं

नोवाक जोकोविच		राफेल नाडाल		रोजर फेडरर	
2011-20 में ग्रैंड स्लैम्स	कुल ग्रैंड स्लैम्स	2011-20 में ग्रैंड स्लैम्स	कुल ग्रैंड स्लैम्स	2011-20 में ग्रैंड स्लैम्स	कुल ग्रैंड स्लैम्स
16	17	11	20	04	20

गोखौंथिया लोरबां जानायनि उनाव दासान्दि सार्भैयानि गेलेगिरि नबाक जकबिसआ बयनिखुइबो गोखौंसिन गेलेनाय रेंकिंयाव सेथि जायगा लानानै दं। अदेबानि थानाय 6

बोसोरनिफ्रायनो नबाक जकबिसआ टेनिस रेंकिंयाव सेथि जायगाखौ दखल खालामनो हानाया टेनिसनि जारिमिनाव रेकर्ड जादौं। मख'नो गोनांदि, 1920

माइथायनिफ्राय लानानै दासिम टेनिसनि कर्टआव गोबां गेलेगिरिफोरनि आलादा-आलादा जाफुंसाराय आरो गोखौं गेलेनायखौ नुनो मोनबोदौं। जेराव रजार पेडरार,

राफेल नाडाल आरो जकबिसआ गोजौयाव मख'नाय बोसोरनि मोन 39 ग्रेंड-स्लेमफोरनि गेजेराव गासै 31 ट्रफीखो देरहानो हानायाव जाफुंसारदौं। दासिम टेनिसनि जारिमिनाव रजार पेडरारआनो बयनिखुइबो बांसिन ग्रेंड-स्लेम देरहानो हानाय गेलेगिरि जानानै दं। बेनि उनाव स्पेइननि राफेल नाडालआ देरहानाय रेकर्डखौ नैथियाव लानो हादौं। बेनि अनगायैबो जकबिसआ दासान्दि मोनफ्रेमबो टेनिस टुर्नामैन्टफोराव गोखौं गेलेनायखौ नोजोर होयोक्ला बिसोर सासैनि देरहानाय रेकर्डखौ गाहायाव दोनो हागौं। दासान्दि टेनिसनि कर्टआव बिसोर साथामनि जाफुंसाराया रायखांजाथावना जानानै दं।

गिबि खेब डे-नाइट टेस्ट मेचखौ भारतआ बयनिखुइबो खमसिन रानाव जेन्दीं

एडिलेड, 19 डिसेम्बर: भिरत कहलिन दैदेनायाव भारतनि क्रिकेट हान्जाया गेलेनाय जारिमिनाव गुबुन मोनसे लाजिनांथाव मेचखौ जेन्दीं। मिथिनाय बायदिव्ला अष्ट्रेलियानि हायाव सोलियासिनो थानाय मोन 4 टेस्ट मेच सिरिजनि गिबि मेचखौ थानाय सान्निफ्राय गेलेबोनायनि उनाव भारतआ गोबां खम राननि गेजेरावनो जेन्तो गोनां जादौं। अदेबानि बे जेन्नाया भारतनि क्रिकेट गेलेनाय जारिमिनाव बयनिखुइबो लाजिनांथावसिन गेलेनाय जादौं। भारत आरो अष्ट्रेलिया क्रिकेट हान्जानि गेजेराव सिरिजनि गिबि मेचखौ एडिलेड क्रिकेट स्टेडियमयाव डे-नाइट गेलेदौंमोन। बे मेचआव पिंक बलखौ बाहायदौंमोन। भारतनि क्रिकेट हान्जाया गिबि मेचनि गिबि इनिंसयाव अष्ट्रेलिया हान्जानि हेंथायै एसे रानखौ आवगायनो



हानायनि उनाव नैथि इनिंसआव जोबोद गात्रियै गेलेनाय दैन्थियो। अदेबानि नैथि इनिंसआव भारतआ गासै 36 रान खालामनानै गासैबो बेटसमेनफोर अलआउट जायो। बेनि उनाव अष्ट्रेलिया हान्जाया गासै 90 टारगेटखौल' मोनो हानायाव भारतनि हेंथायै गोरलैयेनो मेचखौ देरहानो मख'नो गोनांदि, मेचनि गिबि इनिंसआव भारतआ गासै 244

रानखौ खालामनो हादौंमोन। बेनि उनाव अष्ट्रेलियाआबो गिबि इनिंसआव गासै 191 रानखौ खालामनो हायो। जाहोनाव भारतआ एसे रानखौ आवगायनो हानायजौं नैथि इनिंसनि गेलेनायाव एसेल' रान खालामनानै गासै टारगेट 90 जानायाव बे मेचखौ अष्ट्रेलियाआ गोरलैयेनो देरहानो हायो। अष्ट्रेलियानि गेलेगिरि टिम पेनआ साबसिन गेलेनो

हानानै मेन अफ दा मेच बा-थाखौ आजावनो हायो। गिबि मेचखौ देरहानानै अष्ट्रेलिया दासिम भारतनि हेंथायै 1-0 मेचजौं सिरिजआव आवगायनानै दड। फारसेथिं हान्जानि केप्टेन भिरत कहलिनआ मेचखौ लाजिनांथावै जेन्तो गोनां जानायाव हान्जानि गेलेगिरिफोरनि गेलेनायखौ लानानै गोजोन्नाय गोयै फोरमायो।